


淵

穎

集

三





淵 穎 集  
(三)

吳 萊 撰

# 淵穎集卷四

次高橋觀張循王戰處

〔宋史本傳〕張俊字伯英，鳳翔府成紀人。好騎射，負才氣，起於諸盜，屢立戰功，封循王。

日落見烟火，江流秋漸清。高橋足舟楫，小浦連菱蕩。尙聞父老語，前此盜縱橫。

〔又〕江浙羣盜竄起，授俊兩浙西路江南東路制置使，以所部招

羣盜，命後軍統制陳思恭隸之。

悲心北嶽狩，洒淚南海征。

〔按〕宋史：欽宗靖康二年，金人以二帝及后妃太子宗戚三千人北去。高宗建炎三年，金人入建康，帝奔明州，金人又陷臨安，遣兵渡浙，追帝，帝航於海。四年，金人陷明州。

遂襲帝於海。

疲民挈衣避，義士嚼血爭。叫囂無人境，隳突七十城。

〔本傳〕高宗紹興元年，金人殘亂之餘，孔彥舟據武陵，張川據襄漢，李成尤悍強，據江淮湖湘十餘州，連兵

數萬，有席卷東南意。范宗尹請遣將致討，俊慨然請行。成黨馬進在筠州，豫章介江筠之間，俊大敗之。追至奉新樓子莊，直趨山椒，殺伏奪險，乘勝追至江州，成勢迫絕江而遁。復江州，已而與國軍等處羣盜聞俊兵至，皆遁去。俊引兵渡江，至黃梅縣，與成戰，親冒矢石，帥衆攻險，賊衆數萬俱潰，馬進爲追兵所殺，成北走。降劉豫，諸郡悉平。〔史記〕磨楯掃急檄。〔梁書〕荀濟負氣，每謂人云：會楯上擊樂毅下齊七十餘城。〔按〕杜詩：圭竇三千十雲梯七十城。古人往往借用。

銅持矧兵。

〔前漢書〕李廣行無部曲，行陣就善水草頓舍，人人自便，不擊刁斗自衛。〔注〕刁斗，以銅作鑊，受一斗，晝炊飯食，夜擊持行。〔史記〕匈奴人習戰攻，以侵伐其天性也。長兵則弓矢，短兵則刀劍。病巡魚麗陣。〔左傳〕

曼伯爲右拒。蔡仲足爲左拒。原繁高渠彌以中軍奉公。爲魚麗之陣。先偏後伍。伍承彌縫。〔注〕司馬法。車戰二十五乘爲偏。以車居前。以伍次之。承偏之隙。而彌縫闕漏也。五人爲伍。此蓋魚麗陣法。

窮涓伏弩營。

〔史記〕龐涓追孫臏。臏量其暮當

至馬陵。道狹可伏兵。乃斫大樹白而書之曰。龐涓死此樹下。令萬弩夾道而伏。期日暮。見火舉而俱發。龐涓夜至木下。見白書。乃攢火燭之。萬弩俱發。龐涓自知智窮。乃自刎曰。遂成堅子之名。

水犀怒且武。

水犀。解見雲門紀行。

風鶴遙

傳聲。

〔晉書〕謝安姪玄。以精銳八千。涉渡肥水。決戰苻堅。中流矢。衆奔潰。聞風聲鶴唳。皆以爲王師已至。

發揮饒鼓曲。

〔禮〕始奏以文。後亂以武。〔注〕文謂鼓。武謂金。饒樂始奏。先擊鼓。亂猶言終也。鼓聲爲陽。故謂文。饒聲爲陰。故

謂武。又解見夜觀古樂府。

申畫帶礪盟。

〔書〕申畫郊圻。〔前漢書〕高祖定天下。封功臣百四十五人。誓曰。黃河如帶。泰山若礪。國以永存。爰及苗裔。申以丹書之。信重以白馬之盟。

文石班不紊。

〔前漢梅福傳〕願一登

文石之陞。涉赤墀之塗。

黃金鼎重撐。

〔禮〕崇鼎。貫鼎。大璜。封父龜。天子之器也。〔注〕崇。貫。皆國名。〔鼎錄〕其飾天子以黃金。

漢儀整以暇。

〔左傳〕鑿鍼見子重之旌。請曰。楚人謂夫旌子重之塵也。彼其子重也。日臣之使

於楚也。子重問晉國之勇。臣對曰。好以衆整。曰。又何如。臣對曰。好以暇。

唐室尤光品。

〔通鑑〕唐李晟等收復東京。遣掌書記于公異作露布。上行在曰。臣已肅清宮禁。祇謁寢闈。鍾簾不移。廟貌如故。帝覽之。泣下曰。天生李晟。以爲社稷。非爲朕也。

搜箭已林薙。泊帆仍陸行。舊廟凋細柳。

〔前漢書〕文帝時。匈奴入寇。宗正劉禮軍霸上。徐勳軍棘門。周亞夫軍細柳。帝幸霸上。棘門軍吏皆迎。已而之細柳。棘門不開。前驅曰。天子且至。軍吏曰。軍中俱聞將

軍令。不聞天子詔。上使謂亞夫曰。吾欲勞軍。亞夫乃傳言開壁門。軍吏曰。將軍約軍中不得馳驅。天子乃按轡徐行至軍中。亞夫乃持兵揖曰。介冑之士不拜。請以軍禮見。天子動容式車。既出。左右皆驚。上嘆曰。此真將軍也。向者霸上棘門軍兒戲耳。

新田滿

香杭豺狼久息鬪。

〔晉書〕孫綽上表曰。中宗龍飛。實賴長江。不然。江東爲豺狼之場矣。

岡兩空餘驚。

〔孔叢子〕土木之怪。夔兩岡。水石之怪。龍岡象。〔注〕言有夔龍之形。無實體。皆虛無也。

奇哉第

一戰永激萬古情。

還舍後人來問海上事詩以答之

去家纔五旬恍若度一歲豈不道路艱周流東海裔故人喜我返來問海何如所經何城邑相去幾里餘

我言始戒塗尙在越西鄙隨波到句章

（名勝志）左傳哀公二十四年越滅吳請使吳王居於甬東杜預注云句章縣東海外洲是其處（又）句章城有二一在慈谿城山渡之東即越王句踐所築者一

在府城南六十里宋武帝改築於小溪鎮因名之爲句章鄉者一名官奴城（又）隋合鄞句章鄞併爲句章縣而鄞始廢唐武德初復句章爲鄞大歷六年以海寇袁羅之亂始徙今治長慶元年并徙明州治於此而鄞爲負郭五代時吳越錢氏改今名曰鄞屬浙江寧波府

滿目但積水人云古翁洲

（又）唐開元間立明州有翁山縣則海中昌國地今隸定海即翁州是也然實先定海而立而定海乃古鄞縣地其治爲鄞東北鄙元和中省翁山海墻地置望海鎮不隸於州乾寧初置望海軍於

甬江之海口後更爲靜海鎮因立望海縣五代梁改今名宋熙寧間置昌國縣於翁山國朝併入定海

遙隔水中央一夜三百里猛風吹倒橋初從蛟門入

（又）蛟門山在東海中約有

十五里一名嘉門山環鎮海口吐納潮汐有蛟龍穴處時興颶風怪浪

極是險與惡白浪高於山神龍曾以躍

曾同習神速貌

似雪復非雪倚橋欲上看舟

子禁不可使入舟中蟠尋常重性命今特類兒戲信哉昌黎言有海無天地

韓愈瀧吏篇

掀掀終達岸鹽鹵間

黃蘆解見泊道隆觀及夕泛海東

人烟寄島嶼官府猶村墟水族紛異嗜魚蟹及蠓蟻

蠓音廉（說文）海蟲長寸而白可食蟻同蠓音滑（爾雅）蟪蟪小者蟪（注）螺屬

見埤蒼。或曰即蟪。蟪似蟹而小。

我寧不忍餐。隸爾相吐沫。荒塵栖予髮。旭日照我身。似聞六國港。東壓扶桑津。或稱列仙

居。去此亦不遠。蟠木秋更花。蓬萊闢真館。我非不願往。此險何可當。天吳布爪牙。

〔山海經〕朝陽之谷有神曰天吳。是爲水伯。虎身人面。

八首八足。尾背青黃色。

出沒黑水洋。

解見閩昌國志。

於奇豈易得。似足直一死。方去徒自驚。既歸亦云喜。珍重故人言。勿以險

爲奇。茲行已僥倖。慎勿疾平夷。雖然此異鄉。固是難久客。聖出風且恬。時清海如席。

〔韓詩外傳〕成王時。越裳氏重三譯而朝。曰天之

不逆風疾雨。海之不揚波。三年矣。中國必有聖人乎。

我猶愛其然。恨不少淹留。爾毋爲我懼。遭此千丈虬。

〔說文〕虬。龍子有角者。

試看塵世間。甚彼大

瀛海。衣裳日沉溺。篙艣相奔潰。奔潰孰能救。沉溺將奈何。口吐舌不下。

〔莊子〕公孫龍口吐而不合。吐音區。張口貌。

聊爲故人歌。

### 夜讀魏伯陽參同契

〔全陽子〕魏公生於東漢。名伯陽。號雲牙子。會稽上虞人也。本高門之子。世襲簪裾。惟公不仕。修真潛默。養志虛無。博瞻文辭。通諸緯候。恬然守素。惟道是從。每視軒裳爲糠粃焉。不知師授誰氏。而得大

丹之訣。乃約周易。撰參同契三篇。密示青州徐景休從事。徐乃隱名而註之。至桓帝時。復以授同郡淳于叔通。遂行於世。〔又〕參。三也。同相也。契類也。謂此書借大易以言黃老之學。而又與爐火之事相類。三者之陰陽造化。殆無異也。

### 大道如大鐘。

〔周禮〕春官。鐘師。掌金奏之鼓。鐘音博。樂器。

人誰撞寸莖。

〔說苑〕子路對趙襄子曰。建天下之鳴鐘。而以莖撞之。豈能發其聲乎哉。

奇音一以振。俗耳焉能聆。伯

陽燾且異。眞契垂光。燹文詞信博瞻。緯候兼通靈。收功水火鼎。〔參同契水火性情章解〕金水爲情。木火爲性。吾身則性情皆具。情復其性。遂稱還丹。泄祕龍

虎經。〔又龍虎兩弦章〕偃月法鼎爐。白虎爲葵。瓶。汞曰爲流珠。青龍與之俱。〔又流珠金華章〕龍呼於虎。虎吸龍精。兩相飲食。俱相食便。元象既自育。化機那得停。金砂漸合質。〔又同類合體章〕

胡粉投火中。色壞還爲鉛。冰雪得溫湯。解釋成大虛。〔又金丹刀圭章〕下有太陽氣。伏金以砂爲主。稟和於水銀。變化由其眞。終始自相因。玉液初流形。〔又金丹刀圭章〕下有太陽氣。伏蒸須臾間。先液而後凝。號曰黃輿焉。鴻濛擊巨竅。〔又聖人上觀章〕

仲尼讚鴻濛。鑿〔又明辨邪正章〕道成德就。潛伏俟時。太乙乃召。移居中洲。易繫本覆謬。〔易本義〕繫辭。文王周公所作之辭。繫於卦爻之下。解見太山高。太一臨玄局。易繫本覆謬。者。即今經文。上下傳。乃孔子所述繫辭之傳也。〔參同契聖賢伏煉章〕憂憫後生。好道之倫。隨旁風采。指畫古人。著爲圖籍。開示後昆。露見枝條。隱藏本根。託號諸名。覆謬衆文學者得之。蘊價終身。關雎仍丁寧。〔又聖人上觀章〕關雎建始初。〔又君子好逮章解〕此章又言還丹之道。必資陰陽。

孔子或尸假。文王猶夢齡。〔禮〕文王謂武王曰。女何夢矣。武王對曰。夢帝與我九齡。文王曰。女以爲何也。武王曰。西方有九國焉。君王其終撫諸。文王曰。非也。古者調年齡。商亦齡也。我百爾九十。吾與爾三焉。文王九十七。乃終武

王九十〔參同契三聖前識章〕若夫至聖。不過伏羲。始畫八卦。效三而終。庶聖雖不語。法天地。文王之宗。結體演爻。辭夫子庶聖。雄十翼以輔之。神仙豈徒冥。下學等蠕動。〔又日月懸象章〕衆夫蹈以

出。蠕動莫不山。塵骨多羶腥。彼殊不我卽。異學途蝗螟。〔又傍門無功章〕世人好小術。不審道淺深。棄正從邪。智欲遠闕不通。夜寐恍一接。晝思轉拘

〔正韻〕蠕蠕通。八石搜燥烈。〔又二土全功章〕子午數合三。戊己號稱五。三五既和諧。八石正綱紀。〔解〕子爲水位。寐神相抱。覺寤候存亡。

困。〔又關捷三寶章〕寢寐神相抱。覺寤候存亡。八石搜燥烈。〔又二土全功章〕子午數合三。戊己號稱五。三五既和諧。八石正綱紀。〔解〕子爲水位。其生數一。午爲火位。其生數二。一與二共。合爲三也。戊己中央土。其生數五也。三五既和諧。

即水火土調停之意。八石謂三五爲八石也。八石正綱紀。猶言八卦定方位之意。

胡麻搗芳馨。

〔集仙傳〕魏夫人名華存。學道服胡麻散。〔王維詩〕御羹和石髓。香飯進胡麻。

漢祀窮五時。

〔前漢郊祀志〕高祖入關。問故

秦時上帝祠何帝也。對曰。四帝有白青黃赤帝之祠。高祖曰。吾聞天有五帝。而四何也。迺待我而具五也。乃立黑帝祠。名曰北時。

秦游俯滄溟。

〔史記〕始皇東遊海上。求仙人美門之屬。南至湘山。遂登會稽。並海上。冀遇海中三神山之奇藥。不得。

非麟尙絆足。

〔子虛賦〕射麋脚麟。〔注〕脚謂持其脚也。漢書作格。

類鳳甘箴翎。

〔屈原賦〕鳳凰在箴。雞雉翔舞。箴音辛。鳥籠。

似此期不死。哀哉幾時醒。鄙夫亦素

隱。素讀作索。妙語思黃庭。

〔道書〕紫霞篇。即黃庭內景經也。〔集仙錄〕景林真人授以內景經。令讀萬遍。乃得洞觀鬼神。

勿爲兩高弟。慎倒迷日星。

〔神仙傳〕魏伯陽入山作神丹。將三弟子。知

兩弟子心不誠。乃誡之曰。金丹雖成。當先試之。與白犬食之。犬即死。乃謂諸弟子曰。吾背違世路。委家人入山。不得仙道。吾亦恥復歸。死之與生。吾當服之耳。丹入口即死。一弟子曰。師非凡人也。服丹而死。得毋有意邪。又服之。即死。二弟子遂不服。共出山求棺木殯具。去後。伯

陽即起。將服丹弟子及白犬而去。逢入山伐薪人。作手書與鄉里人。寄謝二弟子。弟子見書。始大懊惱。

徘徊化鶴柱。

〔解見和陶淵明〕

想像屠牛劖。

〔莊子〕庖丁爲文惠君解牛。砉然騞然。奏刀騞然。云所解數千牛矣。而刀刃

若新發。於劖。

伏蒼儻可煮。笑倚長松青。

〔淮南子〕千年之松。下有伏蒼。上有蒼絲。〔金陵志〕方山有野人。見使者異服。牽一白犬。野人問居何地。曰。居僂蓋山。隨至古松下。而沒。松形果如蓋。意使者乃松樹。犬乃茯苓耳。

送宋景濂樓彥珍二生歸里

我生本孤陋。偶到越江頭。如何彼二子。直泝越江流。子來我欲去。子去我仍留。留子子不住。送子使人愁。我且與子酒。西風吹子裘。問子何所學。將通魯春秋。聖心久不白。聖髓空旁搜。聖心但至正。賢傳相戈矛。



〔晉書儒林傳〕劉兆以春秋一經而三家殊塗。諸儒是非之議紛然。互相讐敵。乃思三家之異合而通之。周禮有調人之官。作春秋調人七萬餘言。皆論其首尾。使大義無乖。時有不合者。舉其長短以通之。

晉臣忠如預。

〔晉書〕杜預爲春秋左

氏經傳集解。又參攷衆家譜。第謂之釋例。又作盟會圖。春秋長歷備。成一家之學。嘗答武帝曰。臣有左傳辭。

漢士識有休。

〔後漢儒林傳〕何休。字邵公。精研六經。世儒無及者。作春秋公羊解詁。又以春秋駁漢事六百餘條。妙得公羊本意。休善歷

算。與其師博士羊弼。追述李育意。以難二傳。作公羊墨守。左氏有青。穀梁廢疾。〔注〕言公羊之義不可攻。如墨翟之守城也。

發揮一王法。襄紉五等侯。經筵未可弃。墨守或爲讎。我

今豈謂能。子幸與經謀。嗟哉我何學。半世成倦游。

〔前漢司馬相如傳〕長卿故倦游。

焚膏政自苦。

〔韓愈進學解〕焚膏油以繼晷。恆兀兀以窮年。

奏牘

不見收。我迂世所誦。我病我難瘳。子何不卽遠。說我東家丘。

解見送。鄭獻可。

〔事文類聚〕郗原欲遠游學。詣長安孫崧。崧辭曰。君鄉里鄭君。君知乎。原答曰。然。崧曰。學覽

古今博聞強識。鈎深致遠。誠學者之模範也。君乃舍之。躡屣千里。所謂以鄭爲東家丘也。原曰。人各有志。所向不同。有登山而探玉者。有入海而探珠者。豈可以登山者不如海之深。入海者不如山之高哉。君謂僕以鄭爲東家丘。則君以僕爲西家之愚夫耶。崧辭謝焉。〔家語〕魯人不識孔子聖人。乃曰。彼東家丘者。吾知之矣。我寧不及子。請子更歸求。毋徒挺岩嶢。亦莫變浮漚。山雞伏鵠鷄。〔莊子〕越雞不能

難之與雞。其德非不同也。有能與不能者。其才固有巨小也。今吾才小。不足以化子。鷄吾卻。〔廣韻〕鳥卵一說與殼通。

我尙與此伴。勗哉敢不力。前路無停驂。

### 山中人四首

白日出復沒。胡獨勞我生。所務在卒歲。

〔詩〕無衣無褐。何以卒歲。

朝夕強營營。當春治農器。土脈亦瘠盈。

〔王彪之賦〕步土脈。測水泉。

薄言藝黍稷。庶以觀其成。涼風一披拂。場圃如坻京。

〔詩〕如坻如京。

凍戶猶畝首。康衢或歌聲。

〔通鑑前編〕帝堯遊於康衢。聞兒童謠。

曰。立我蒸民。莫非爾極。不識不知。順帝之則。又有老人擊壤而歌。曰。日出而作。日入而息。鑿井而飲。耕田而食。帝力何有於我哉。

於茲尙不給。野有菜色氓。

〔禮〕以三十年之通制國。用雖有旱乾水溢。民無菜色。

毋寧

拾橡栗。起視牀頭餅。

〔後漢李恂傳〕歲荒。徙居新安關下。拾橡實以自資。

二

貧賤素所有。豈辭辛與勤。清晨腰我斧。往伐西山薪。高巖吃巨壑。蛇虎氣逼人。衣裳既不完。出入在荆榛。

日日一接浙。釜飢恆生塵。

〔後漢循吏傳〕范丹字史雲。桓帝時。爲萊蕪令。清貧。人歌之曰。甑中生塵。范史雲。釜中生魚。范萊蕪。

白石幾時爛。

解見秋日雜詩。

青烟空滿鄰。家徒

四立壁。

〔前漢書〕司馬相如與文君馳歸成都。家徒四壁立。

冬令方行春。

〔禮〕孟冬行春令。則凍閉不密。地氣上泄。民多流亡。

亦有偃侄子。儻然爲世珍。

〔列仙傳〕偃侄槐里采

藥父也好食松實。形體生毛。長數寸。能飛行。逐走馬。以松子遺堯。堯不服。時受服者皆三百歲。

三

歲晚筋力倦。長歌守窮廬。塵函散縹帙。且復少嘯嘑。文章信小技。〔隋書〕李諤上書曰。魏之二祖。忽人君之大道。好雕蟲之小技。連篇累牘。不出月露之形。積案盈

箱。盡是風雲之狀。〔蟲魚〕解見胡仲申至。世故交相驅。撥書置床上。我豈爲蠹魚。自從童習之。白首愈紛如。卓彼先聖人。欲開後

世。恐文繡豈不佳。輿臺同一軀。〔左傳〕士臣皂。皂臣輿。輿臣隸。隸臣僚。僚臣僕。僕臣臺。〔杜甫詩〕照耀輿臺軀。但當樂道義。肯恤吾身羸。〔韓非子〕子貢

子夏曰。吾人見夫子之義。則榮之。出見富貴之樂。又榮之。戰於臂中。未知勝負。故癩。今義勝故肥。

四

去經十數里。霜露淒枯田。篋笠既挂壁。〔詩〕何篋何笠。桔槔亦倚垣。〔莊子〕不見桔槔乎。引之則俯。舍之則仰。故俯仰而不得罪於人。〔說文〕桔槔。汲水器。相從

盡隣曲。言笑仍喧喧。惟此老瓦盆。酒漿稍羅前。〔續韻府〕陳宣好飲。一日貴客過。笑宜用陶器。宣曰。莫笑。此老瓦盆。多見興廢也。客無語。〔杜甫詩〕莫笑田家老瓦盆。奈何不

解飲。而喜鯨吸川。〔又〕飲如長鯨吸百川。有如善涸人。觀者乃在船。〔列子〕習於水而勇於涸。〔荀子〕民猶水也。濟川者乘舟。

泗同子晉囚。〔說文〕浮行水上也。寸心久已醉。雙眼方醒然。世俗正馳驚。悲哉東西阡。〔風俗通〕南北曰阡。東西曰陌。河東以東西爲阡。南北爲陌。

脈望

〔續酉陽雜俎〕何諷書中得一髮。捲規四寸許。如環無端。用力絕之。兩端滴水。方士曰。此名脈望。蠹魚三食神仙字。則化為此。夜持向天。從規中望星。星使立降。可求還丹。取此水而服之。即時換骨上昇。因取古書尋義。讀之皆神仙字。諷方服。

天地常育物。爾何為蠹魚。魚形不在澤。蠹我萬卷書。於茲亥豕間。

〔家語〕有人讀史云。三豕渡河。子夏曰。已亥渡河。校之果然。

偶值神仙字。

咀穿以百餘。變化何容易。多應直如髮。亦或圓中規。天星必降氣。仰望固不移。惟人萬物靈。耳目鼻口具。

曾不如彼蟲。政由不學故。童年便有習。白髮

一作矣。

尙難精。人書兩無涉。物我每相爭。誰其希聖賢。竟自雜

奴虜。聖人不汝藥。使作聾與瞽。太虛但一理。元造豈停機。竹蝸因雨蛻。

〔說文〕蝸。蟬也。

橘蠹得風飛。

解見送鄭獻可。

神仙

非凡人物化。乃罔測。何哉我瀛蓬。

瀛蓬。解見泰山高。

獨不插羽翼。張郎不解事。強欲學神仙。醉生且不悟。夢死更茫

然。起看蠹魚瓶。明月秋滿機。汝母聽我歌。笑倒抱朴子。

抱朴子。解見景陽宮。

寄相仲積求觀鄭北山雪竹賦并畫卷

〔金華人物志〕鄭剛中字亭仲。紹興二年進士。調温州判官。賑饑得法。用秦檜薦為敕令所。刪定官累升尙書右司員外郎。時秦檜主和議。剛中為陳虜不

可信。不聽。擢監察御史。遷殿中侍御史。抗疏條奏和議利害甚詳。及胡銓上書欲斬秦檜。帝怒。禍且不測。剛中率同列論救。銓得編置。移中正少卿。遷祕書少監。樓炤出諭京陝。辟充參謀官。還除禮部侍郎。再擢樞密直學士。出為川陝宣諭使。尋充陝西

分畫地界使。金使烏陵贊謀將至。剛中出關迎之。與金使反覆爭詰辨難。終全階成。岷鳳及秦商之半。列險據要。蜀賴以安。就除端明殿學士。四川宣撫使。宣司時蜀中勁卒十萬。都統吳玠。楊政。郭浩。皆驕悍難制。剛中每折之。以威接之。以恩無不帖服。在蜀凡六年。儲蓄豐積。將士用命。虜不敢犯。當時每與宗忠簡同稱曰。宗某如猛虎之在北。鄒某如伏熊之在西。其見推重如此。秦檜見蜀中富饒。飭使進金三萬兩。又令下錢米荆門。剛中不從曰。今時講和。正爲他時恢復計。要當息民儲備爲先。檜不悅。會虜索北人在南者。檜悉遣之。蜀門有義勝一軍。首領李謹等十四人。皆驍勇。剛中以其留蜀久。縱之必生患。悉斬之。檜怒其專。召還。文致其罪。謫桂陽軍居住。再徙封州卒。檜死。後追復原官。謚曰忠愍。所著有北山集等書。

古人不可作。雪竹有奇思。鄭公詠騷詞。或者攻繪事。向來拈筆間。才士巧相值。誰從歲寒窺。使得瑚璉器。

東國正擾攘。靖康更元二。

〔按〕宋史。金人以徽欽北去。在靖康二年。〔隸釋〕鄧騭傳。元二之災。注云。元二。卽元元也。古書字常再讀者。卽於上字之下。爲小二字。言此字當兩度言之。後人不曉。遂讀爲元二。或同之。陽九。或附之。

百六良由不悟。致斯乖舛。岐州石鼓銘。凡重言者。皆爲二字驗也。趙氏云。此同隸校尉楊孟文石門頌碑有曰。中遭元二。西戎虐殘。橋梁斷絕。若讀爲元元。則爲不成文理。疑當時自有此語。漢注未必然也。予按漢刻如北海相景君。及李翊夫人碑之類。凡重文。皆以小二字贅其下。此碑有烝烝明明。蕩蕩世世。勤勤。亦不再出上一字。然非若元二。遂書爲大二字也。又孔耽碑云。遭元二。輶軻人民相食。若作元元。則下文不應又言人民。漢注之非明矣。王充論衡云。今上嗣位元二之間。嘉德布流。三年零陵生芝草。五本。四年甘露降。五縣。五年芝復生。六年黃龍見。大小凡八章。帝紀所書。建初三年。以後龍芝甘露之瑞。皆同。則論衡所云元二者。蓋謂卽位之元年二年也。

上天忽同雲。

〔詩〕上天同雲。雨雪雰雰。

大地惟朔吹。

〔王韶之咏雪詩〕曲室寒兮朔風厲。川

陸澗兮百嶺鳴。〔初學集〕代馬依朔吹。

玄陰知己疑。

〔元命苞〕陰氣凝而爲雪。

積羽忍不墜。

〔史記〕張儀說魏哀王曰。積羽沈舟。羣輕折軸。衆口鑠金。積毀銷骨。

狂曾鵝炙求。

〔南史〕劉毅在

京口往東堂共射。庾悅亦出東堂。毅曰：豈能以此堂見讓。悅不答。又曰：今年未得子鵝，豈能以殘炙見惠？又不答。後悅刺江州，毅表解其官。

困及蟻漿饋。

〔嶺表錄異〕交廣溪峒酋長取蟻卵淘淨爲醬。安南國蟻子醬。山人掘蟻卵至斗石食之。

離明乃煌煌。〔易〕明兩作離。大人以繼明照于四方。

勁節特一致。秦關收甲兵。蜀閫擁旗幟。

解見題注。每疑一寸心長挺千畝翠。〔蘇軾文〕竹

之始生一寸之萌耳。而節葉具焉。〔史記〕渭川千畝竹。與千戶侯等。

學行尙吾時。窮達等墨戲。相君本彌甥。

〔左傳〕季康子曰：以肥之得備彌甥也。〔注〕彌遠也。康子父之舅氏。故稱彌甥。

年耄

常拭背。自應守遺文。重襲在篋笥。滿山蒼竹林。凡木總顛顛。因之寄君詩。爲洒懷古淚。

### 柳博士出示太原鬱金江陵三春茅汝寧薯草

〔說文〕鬱。芳草也。十葉爲貫。百二十貫。築以煮之爲鬱。一曰鬱。鬱。百草之藜。遠方鬱人所貢芳草。合釀之以降神鬱。今鬱林郡也。〔南

州異物志〕鬱金出闕賓。國人種之。先以供佛。數日萎。然後取之。〔按〕本草鬱金香。光明經謂之茶。年摩香。此乃鬱金花。香。與今時所用鬱金根名同物異。〔前漢郊祀志〕江淮間一茅三春爲神藉。〔書〕包匭薯茅。〔注〕薯茅有刺而三春所以供祭祀。縮酒之用。既包而又匣之。所以示敬也。〔左傳〕爾貢包茅不入。無以縮酒。寡人是徵。〔本草〕薯如蒿叢生。條直高五六尺。異葉。蒿秋後有花。出枝端。紅紫色。如菊。七十年益一莖。生少室山。及上蔡縣。實入藥。莖可以筮。〔按〕志。太原屬山西。江陵屬湖廣。汝寧屬河南。

### 柳侯往京國。十載卻歸沐。

〔前漢張安世傳〕沐沐未嘗出。

### 自言守奉常。

〔前漢百官表〕奉常。秦官。掌宗廟禮儀。景帝中六年。更名太常。〔注〕太常。王者旌旗也。畫日月焉。王有大事。則建以行。禮官主

奉侍之故曰奉常也。後改為太常，尊大之義也。  
朝夕近黃屋。黃屋，解見觀秦丞相碑。  
乾包暨坤涵，上下俱滲漈。〔史記〕司馬相如封禪書：滋液滲漈，何生不育，滲音森，去聲，漈音六。  
從知

敬神人，豈止葦草木。〔易〕天地變化草木蕃。  
鬱鬱本晉產，始裸已芬馥。〔周禮〕大宗伯以肆獻裸，享先王。〔注〕裸之言灌也。灌以鬱鬱，謂始獻尸求神時也。  
菁茅楚所貢。

既奠酒以縮，靈著上蔡來。五十備一束。〔易〕筮五十莖。〔書〕洪範九疇，七稽疑，擇建立卜筮人，乃命卜筮。〔易〕初筮告，再三

瀆，瀆則不告。  
恭惟當宁聖，永錫中國福。〔書〕斂時五福，用敷錫厥庶民。  
廟堂有垂紳，邊境無折鏃。〔國策〕未絕一弦，不折一矢。〔賈誼過秦論〕秦無亡矢遺鏃之禍，而天下

諸侯已困矣。  
禮經官並舉，宗祀物皆足。陟降儼如在。〔詩〕陟降庭止。  
馨香薦惟肅。〔書〕至治馨香，感于神明。  
夏后列包匭。音奕，匣也。  
周家

用圭玉。〔禮〕以禘禮祀周公於太廟，灌用玉。〔禮〕大圭，應用玉豆，雕篋，爵用玉琖，仍雕。  
方修四時祭，定取柔日卜。〔又〕外事以剛日，內事以柔日。〔注〕甲丙戊庚壬爲剛，乙丁己辛癸爲柔。  
八佾陳

羽籥，鸞刀割駢犢。〔詩〕執其鸞刀，以啓其毛，取其血膋。〔書〕蒸祭，歲文王駢牛一，武王駢牛一。  
郊丘遞云講。〔周禮〕祭天於圓丘，祀地於方澤。〔禮〕於郊，故謂之郊。  
柴望隨可復。〔書〕歲二月東

巡狩，至于岱宗，柴，望秩于山川。〔注〕柴，燔柴以祀天也。望而祭之，故曰望。  
幸茲敦孝理，久則變風俗。似渠不世見，焜耀驚我目。猗那特不墜。〔按〕詩商頌那篇。

祀成湯也。綿叢何煩錄。〔史記〕叔孫通起朝儀，與弟子百餘人爲綿叢野外習之。〔注〕引繩爲綿，立表爲叢。  
太平此其符，有暇發汝櫝。〔易〕筮儀，納著櫝中，置於牀北。〔注〕櫝以竹筒或堅木或

布漆爲之，員徑三寸，如箸之長，半爲底，半爲蓋，下別爲臺函之，使不偃仆。

### 同陳樞壽登臥龍山望海亭卻觀賈相故宅或云越大夫種墓在山上

〔名勝志〕與地志云，臥龍山舊名種山，又名重山，水經注云，文種城於

越而伏劍於山陰，越人哀之，葬於重山，元稹州宅詩序云，州子城，因種山之勢，盤繞迴抱，若臥龍形，故取以爲名。〔又〕紹興府署枕臥龍山，東麓有東園，竹木蒼然，繞山北，可登望海亭，即今之越望亭也。〔宋史〕賈似道，字師憲，台州人。

昨日新雨已行，登臥龍岡，征衣忽我薄，絕頂極寒涼，鑑湖水自涸。

鑑湖，解見雲門紀行。蓬島屹相望。〔奉化縣志〕蓬島山在縣南四十里。

神鴉弄落景，海蜃連扶桑，前朝尙未遠，列甸或稱疆，干孫只草綠。

〔劉安招隱士〕王孫遊兮不歸，春草生兮萋萋。相府空蓮香。〔南

王儉用庾杲之爲衛將軍，蕭緬與儉書曰，盛府元僚，實難其選，庾景行泛綠水，依芙蓉，何其麗也，時以儉府爲蓮花池。〔世說〕王儉高自標位，時人呼儉府爲芙蓉池。

高明豈有瞰。〔前漢揚雄傳〕高明之家，鬼瞰其室。十木竟

爲殃，興衰一以變，貴富何能常，山靈司霸轍，古隧闕兵防。

〔周禮〕及窶以度爲巨隧。〔注〕掘地，通道以葬，天子有隧，諸侯有羨，毋寧甲柝棲。解見雲門紀行。

卒使良弓藏。

〔史記〕范蠡既去，遺文種書曰，飛鳥盡，良弓藏，狡兔死，走狗烹，敵國破，謀臣亡，越王長頸烏喙，不可共安樂，子何不去，種稱疾不朝，人或譏種，且作亂，越王賜之劍，使自殺。

哀哉大夫種，直不脫劍

鏃，荒雲但墓穴，烏喙卻悲傷，功成偶不退，苦膽不思嘗。

嘗膽，解見雲門紀行。炙手既可熱。〔唐書〕元載爲相，有用事四人，熏灼中外，人爲之語曰，卓李鄭薛。



灸手  
可熱  
重奎果何光。史文幸明白。忠死斯不忘。蕭然北風樹。爲攪鐵石腸。

〔古今合璧〕皮日休曰。宋廣平爲相。其貞  
委勁質。剛惡毅狀。疑其鐵心石腸。不解吐婉。

詞及觀其梅花賦。清新宛轉。  
得南朝徐庾體。殊不類其爲人。

### 觀姚文公集記趙江漢舊事

〔元史〕趙復。字仁甫。德安人。太宗乙未歲。命太子闊出帥師伐宋。德安以嘗逆戰。其民數  
十萬。皆俘戮無遺。時楊惟中行中書省軍前姚樞奉詔。即軍中求儒道釋醫卜士。凡儒生掛

俘籍者。輒脫之以歸。復在其中。樞與之言。信奇士。以九族俱殘。不欲北。因與樞訣。樞恐其自裁。留帳中共宿。既覺。月色皓然。惟  
寢衣在。遽馳馬。周號積屍間。無有也。行及水際。則見復已被髮徒。既仰天而號。欲投水而未入。樞曉以徒死無益。汝存則子孫  
或可以傳緒百世。隨吾而北。必可無他。復強從之。先是。南北道絕。載籍不相通。至是。復以所記程朱所著諸經傳注。盡錄以付  
樞。曰。復至燕。學子從者百餘人。世祖在潛邸。嘗召見問曰。我欲取宋。卿可導之乎。對曰。宋吾父母國也。夫有引他人以伐父母  
者。世祖悅。因不强之仕。惟中聞復論議。始嗜其學。乃與樞謀建太極書院。立周子祠。以二程、張、楊、游、朱六君子配食。選取遺書  
八千餘卷。請復講授。其中復以周程而後。其書廣博。學者未能貫通。乃原義農堯舜。所以繼天立極。孔子顏孟所以垂世立教。  
周程張朱所以發明紹續者。作傳道圖。而以書目條列。於後別著伊洛發揮。以標其宗旨。朱子門人散在四方。則以見諸登載。  
與得諸傳聞者。共五十有三人。作師友圖。以寓私淑之志。又取伊尹顏淵言行。作希賢錄。樞既退隱蘇門。乃即復傳其學。由是  
許衡、郝經、劉因。皆得其書而尊信之。北方知有程朱之學。自  
復始。復家江漢之上。以江漢自號。學者稱之曰江漢先生。

### 江左一丸國。北兵臨鄂城。

〔水經注〕江之右岸。有鄂縣故城。舊樊楚也。世本稱熊渠封其  
中子爲鄂王。晉太康地記。以爲東鄂矣。〔九州記〕鄂今武昌也。

鄂城小不敵。圍暫泣孤嫗。

趙公本儒士，皓首困機槍。機槍解見星君像圖老身念未死，勢肯舉降旌。坐隨清野民，虜入驃騎營。淒其盡忠義，憤使

疊鼓鉦，長揖上堂階。五弦偶鏗鏘，黃鬚何鮮卑。晉書王敦將舉兵內向明帝密知之乃乘巴濱駿馬微行至湖陰察敦營壘而出敦正晝寢夢日繞其城驚起曰此必黃鬚鮮卑奴來也指

下尙正聲。姚燧撰姚桐神道碑趙仁甫見公戎服而髯不以華人遇之至帳中見陳琴書駭曰西城人知事此乎中原真有人，大將世豪英。幕府喜致汝，軍師豈徒

驚。終然類脫兔。脫兔解見次韻姚思得夜即葬修鯨，兩目瞋欲裂。汨羅我同貞。史記上官大夫短屈原於頃襄王頃襄王怒而遷之原至江濱被髮行吟澤畔顏色憔悴形容

枯槁作懷沙賦懷石投汨羅以死和門遽出令，邏卒復縱橫。扶持返舊路，慰勞賜冠纓。古今多分潰，光嶽極戰爭。干戈自有

責，黼舁合禪京。詩殷士膚敏禪將于京厥作課將常服黼舁演疇庶不憚。書天乃錫禹洪範九疇注武王克殷訪問箕子以天道箕子以洪範陳之經潰孰重輕，從知道

在己，詎用死易生。汨土久不守。按宋都汨今河南開封府金源遂交撐。金史上京路即海古之地金之舊土也國言金曰按出虎以按出虎水源於此故名金源建國之號蓋取諸此紛

紛戎馬間，務以儒術鳴。遺經益南徙，義理卻後瞳。繁章僅北往，禮樂要抗衡。平陽賣瓜叟，立教繪國鬻。詩

書得箋疏，江漢界律程。當時乃世運，何士非我楨。楚材仍與晉。左傳雖楚有材晉實用之漢學特逃羸。水經注秦坑儒士伏生隱焉漢

興敦於齊  
魯之間。

藏劍或徵氣，鼓篋須播精，熒煌一王事，卓犖千載成。陸機但辨語。

〔晉書〕陸機，字士衡，吳郡人也。祖遜，吳丞相父抗，吳大司馬。抗卒，領父兵爲

牙門將，年二十而吳滅，退居舊里，閉門勤學，積有十年。以祖父世爲將相，有大勳於江表，深

庚信空哀情。

〔按〕本傳，信字子山，初仕梁，後入西魏，仕周，雖位

慨孫皓舉而棄之，乃論權所以得皓所以亡，又欲述其祖父功業，遂作辨亡論上下二篇。

望通顯，常有鄉關之思，乃作哀江南賦，以致意。

我且用我法，吁嗟我仁卿。

〔晉書〕王衍不與庾詡交，詡卿之不置，衍曰：君不得爲爾。魏曰：卿自君我，我自卿卿，我自我家法，卿自用卿家法。

### 王濬南太山石室

我將呼巨鰲，滄海欲掀播。

巨鰲，解見病起讀列子。

於茲玉鼎淪。

解見李鐵槍。

遽使金甌破。

解見宣和內宴。

兵氛塞中原。

〔左傳〕楚氛甚惡。

卦氣

協大過。

〔前漢西域傳〕武帝下詔云：易之卦，得大過爻在九五。〔注〕其爻曰：枯楊生華，象曰：枯楊生華，何可久也。謂匈奴破不久也。

誰封函谷關。

〔東觀漢紀〕王元曰：臣請一丸泥爲大王東封函谷關。

便掃太微

座。〔星官書〕天有三垣，紫微、太微、天市。〔星經〕太微垣十星，在翼軫北。張衡云：天子之宮庭，五帝之座，十二諸侯府也。〔天官書〕其內五星，五帝座。〔正義〕黃帝坐一星，在太微宮中，舍樞紐之神也。四星夾黃帝座，東方蒼帝，南方赤帝，西方白帝，北方黑帝，五帝

並設神靈集課者也。張衡云：五帝同明而光，則天下歸心，不然則失位。

長矛左右盤。

〔晉書載記〕陳安左手奮七尺大刀，右手執丈八蛇矛，人歌曰：丈八蛇矛左右盤，十盞十決無當前。

勁矢五十箇。

〔詩〕東矢其搜。〔注〕

五十矢爲束。

歌鳳幾能來，跨驃吾得筮。

〔宋史〕陳搏騎白驪入華山。〔史記〕范雎坐須賈於堂下，置筮豆其前。〔詩〕乘馬在廐，摧之抹之。〔注〕摧，坐也。〔箋〕摧，即今筮字音剉。

當其一手麾，豈

止千夫和力須圻老拳。

〔十六國春秋〕石勒與李陽爭瀝麻池共相打撲及貴幸陽臂笑曰孤往日數厭卿老拳卿亦飽孤毒手〔杜甫詩〕巨類圻老拳

事且居奇貨。

〔史記〕秦太子安國君子子楚質

於趙趙不禮焉居處困不得意呂不章賈邯鄲見而憐之曰此奇貨可居

眞儒雖有材用武竟無佐青雲飛遐心。

〔詩〕毋金玉爾音而有遐心

白羽洒寶唾。

〔韓愈詩〕寶唾拾未盡

〔黃庭堅詩〕寶唾歸青簡晴虹貫夜懸

撫時乃紛紛結客仍轆軻。

〔楚詞〕培軻留滯培與軻通古人失志也

人生足窮通世故更弔賀。

〔宋史〕柳玘成子孫曰董生有云弔者

在門賀者在闕言愛則恐懼恐懼則致福賀者在門弔者在闕言受福則驕若驕奢則禍至

熒然凍霧中仰見明星大宜哉秦階平。

〔史記〕魁下六星兩兩相比者曰三能三能色齊君臣和不齊爲乖戾

〔注〕索隱曰按漢書東方朔頗陳秦階六符孟康曰秦階三台也台星凡六星六星之符驗也應劭引黃帝秦階六符經曰秦階者天子之三階上階上星爲男主下星爲女主中階上星爲諸侯三公下星爲卿大夫下階上星爲士下星爲庶人三階平則陰陽和風

雨時不平則稼穡不成冬雷夏霜天行暴令好與甲兵修宮榭廣苑囿則上階爲之垢也蘇林曰能音台返汝雲擘臥專門尙吾醇。

〔前漢儒林傳〕塗分流別專門並興

致幣徒爾藁。

〔禮〕介者不拜爲

其拜而藁拜〔注〕言有所枝挂不利屈伸也藁音到

既爲梁鴻逃。

〔後漢書〕梁鴻字伯鸞扶風平陵人也娶孟光共入蘄陵山中以耕織爲業咏詩書彈琴自娛又寄居皇伯通廡下爲人賃舂

復戾隄勝餓。

解見和陶淵明

從知大嗟嗟。

〔易〕不大嗟而嗟

肯以淫威挫拔淚且泣歧。

〔淮南子〕楊子見歧路而泣之爲其可以南可以北

聞風猶起懦滹河自波濤。

〔河間府志〕

滹沱水在任巨縣自高陽來東流逕縣南二里至鄆州金口分界東北流入文安縣易水亦自高陽關逕鄆縣北合于滹沱

石室今掘堞。

〔宋玉風賦〕掘堞揚塵堀音坤入聲孔穴也堞音顛塵厓也

寥寥紆我哀苦語

不成些。些音峻。去聲。解見景陽宮。

### 病齒

我生本多病。一瘦恆踽踽。〔詩〕獨行踽踽。試問玉隴君。何為忍吾苦。自其初齟時。〔說文〕齟。毀齒也。男八月生齒。八歲而齟。女七月生齒。七歲而齟。齟音窺。

排次已不伍。每聞編貝如。方朔僅虛語。〔前漢書〕東方朔曰。若懸珠。齒如編貝。信哉骨之餘。所託車與輔。〔左傳〕諺所謂輔車相依。唇亡齒寒者。其虞虢之謂也。

舌神乃中居。〔養生要〕舌為玉籥。猶賴汝羶圍。有身竟攻殘。元氣徒齟窳。〔前漢食貨志〕江南民齟窳。輸生而亡積聚。〔注〕齟。短窳弱也。言短力弱。材不能動作也。齟讀若紫。窳音

與。毋庸蠹斯蝕。尙謂剛可吐。〔詩〕柔亦不茹。剛亦不吐。尋常薄滋味。勢不勞吞咀。龔殺及硬餅。錯列空七俎。豈伊類門

樞。不動固先腐。軟糜幸能食。梨栗稀復睹。我思天地間。民物摠胞與。〔西銘〕民吾同胞。物吾與也。爾自本屬吾。安能遽秦

楚。齟齬或更生。齟音阻。齬音語。齒不相值也。〔詩〕黃髮兒齒。〔注〕齒落更生細者。華池仍發乳。〔養生要〕口為華池。〔抱朴子〕或問堅齒之道。曰。養以華池。漱以濃液。常樞真我師。為

說養生主。〔說苑〕常樞張口示老子曰。舌存乎。曰。存。豈非以軟耶。齒亡乎。曰。亡。豈非以剛耶。今年吾壯強。三十逾六五。更後三十年。零落何足數。起呼白

驢公葦酒且酌取。

〔續仙記〕張果老乘白驢，休則塵之如紙，置巾箱中，以水噴之，則成驢矣。〔次柳氏舊聞〕玄宗好神仙，有張果老者，上聞其名，亟召之，上謂力士曰：「吾聞口士至人，外物不足以敗其中，試飲以葦汁，無苦者，真奇士也。」使以

汁進果，果飲三卮，熏然如醉，曰：「非佳酒也。」乃寢，頃之，取鏡視其齒，色盡焦黑，命取鏡如，意擊齒墮，而藏之衣帶中，出神藥，傅齒穴中，久之，視鏡，齒粲然潔白，上方信其不誣也。誰歟？劉師服高詠聊戲侮。〔韓愈贈劉師服詩〕美君齒

牙牢且潔，大肉硬，餅如刀截，我今呀豁落者多，所存十餘皆兀貌。

浦陽舊有明月泉，久而不應，今乃疏道，其源似頗與弦望晦朔之間相為消長者，遂作是詩。

〔謝翱月泉遊記〕

月泉在浦江縣西北二里，故老云其消長視月之盈虧。

大區何渾淪。

〔淮南子〕以馳大區。〔注〕區，宅也。大區，謂天地。

元氣乃潛洩，忽然為山水，無往不融結，遙天偶一照，厚地空餘列，盈將

光共生，澗與魄同滅。

〔書〕哉生明。〔又〕哉生魄。〔注〕哉，始也。生明，三日也。生魄，望後也。

玄機自消長，至理誰圓缺，發揮雖有在，窺測尚未決，枯

查曾幾棲。

〔月泉遊記〕人家日蒸氣濕牆壁，故在而浮棧游枿，栖泊樹石，隱隱可記。

斷湫遽中裂。

沃同俄，音服，水回流也。一曰伏流。

半倚嵐翠雲，微通海潮雪，昔人來

推求於此得表蘊。

〔國語〕致茅絕表坐。〔說文〕朝會東茅表位曰蘊，音絕。

虛亭奚其敞，靜甃獨不囁。

〔月泉遊記〕泉傍舊為堂，祠朱呂二先生，環欄橋，上環詩亭，四顧煙雲竹樹。〔易〕井甃先谷。

〔說文〕  
齶也。  
歲年竟悠遠。沙石漸填咽。寧加疏淪功。肯使見聞褻。恍疑合圖經。環坐到稚耋。倘非蟹投碣。

〔揚雄校〕

〔獵賦〕探巖排磳。  
〔莊子〕貨粟於監河侯。侯曰。我將得邑金。貨子三百金可乎。周曰。昨見中道而呼者。周顧視車轍。中有鮒魚焉。曰。東海之波臣也。若豈有升斗之水活我哉。周曰。我且南遊。說吳楚之王。激西江之水。而迎子可乎。魚曰。曾不如早索我於枯魚之肆。

幾類鮒處轍。

〔鮑照玩月詩〕始見

織織浮晶彩。  
〔鮑照玩月詩〕始見  
東南樓織織如玉鈎。  
湛湛浸寥沉。  
〔九辯〕沉寥今天高而氣清。〔注〕沉寥。空貌。〔說文〕沉訓水從孔穴疾出音血。

舊觀

方爾還真源可吾鑑。  
〔前漢路溫舒傳〕鑑者。不可復續。〔注〕鑑與絕同。  
爭言彼月行。  
〔書〕日月之行。則有冬有夏。

豈爲茲泉設。蕭丘胡長寒。漢井或

再熱。  
〔異苑〕臨印有火井。漢室之隆。則赫熾。桓靈際浸微。諸葛孔明一瞰而更盛。  
誓尋白兔公。  
〔典略〕兔者。明月之精。  
直探神龍穴。狂歌水仙詞。擊碎如意鐵。

得杭州書聞虞紹宗新爲文學掾歸建安

〔通典〕經博學士。漢郡國皆有文學掾。光武帝問功臣曰。卿不遭際會。自度爵位何所至。鄧禹曰。臣少嘗學問。可郡文學。〔輿地志〕建安屬福

建建  
寧府。

起紆千里懷。雲物轉寥邈。想像閩橋間。虞生實超卓。自云後雍公。光彩動南朔。昔曾郎孝廉。

〔前漢武帝紀〕元光元年。令郡

國各舉孝廉一人。  
今乃掾文學。私悲窘時命。念欲從先覺。詞章竟韜晦。意氣終堅確。栽培信梁柱。剪截徒楹桷。

二語  
解見

題姚文 準繩縱不頗斤斧虛加斲大將比伊周小或希管樂〔李商隱詩〕管樂有才終不忝 毋然櫟社散〔莊子〕匠石之齊至於曲轅見櫟社樹

其大蔽牛絮之百圍其高臨山十仞而後有枝其可以爲舟者旁十數匠伯不顧曰己矣散木也 亦勿牛山濯猶思浪奔走豈料俱屯剝〔易本義〕震一陽動於二陰之下故其德爲動其象爲雷坎

一陽陷於二陰之間故其德爲陷爲險其象爲雲爲雨屯難也物始生而未通之意〔易本義〕剝落也五陰在下而方生一陽在上而將盡陰盛長而陽消落九月之卦也陰盛陽衰小人壯而君子病又內坤而外艮有順時而止之象 搜林拔鳳毛

〔韻府〕宋謝鳳子超宗有文辭謝莊曰 掠野刈鱗角解見胡仲申至 春撞航大河〔韓愈詩〕險惡不可狀船石相春撞〔詩〕誰謂河廣一葉航之 榮確屐喬嶽

〔洪邁詩〕山行厭華嶠理策扶欹危〔南史〕謝靈運爲永嘉太守那有名山水肆志 遨遊尋山陟嶺必造幽峻管著木屐上山則去前齒下山去其後齒〔詩〕及河喬嶽 麻衣半塵土〔詩〕麻衣如雪〔陸機詩〕辭家遠行役悠悠三千里京

國多風塵素 綵筆紛電雹〔南史〕江淹夢人授五色筆由是文藻日新後夢一丈夫自稱郭璞曰吾有筆在卿處多年衣化爲緇 可以見還乃探懷中得五色筆一以授之爾後爲詩絕無美句〔杜甫詩〕綵筆昔曾干氣象 駿馬恆

苦饑〔韓愈文〕馬之千里者一食或盡粟一石食馬者不知其能千里而食也是馬也雖有千里之能食不飽力不足才美不外見且欲與常馬等不可得安求其能千里也 蛾眉復謠詠〔離騷〕衆女嫉余之蛾眉兮謠詠謂余以善

滌注徒歌爲詠 心迷燕士金解見次韻 泣盡楚臣璞韓子楚人卞和得玉璞於楚山獻厲王使玉人相之曰石也王以和爲誑別右足及武王即位又獻之復相曰石也則其左足及文王即位和乃抱

楚謂鄭爲詠 其璞而哭於楚山三日泣盡繼之以 彼賢猶簞瓢雖聖且獵較長疑返舊隱稍見蒙新渥泰壇禮曾彝〔禮〕燔柴於



秦壇祭天也〔周禮〕司尊秦  
掌六彝六彝之位裸用雞彝  
清廟歌籥箭〔詩〕於穆清廟〔左傳〕見  
舞象籥南籥者曰美哉猶有憾  
行乘德輝下〔賈誼賦〕鳳皇翔於  
千仞兮覽德輝而下之  
遠忍雞驚

啄〔楚詞〕鳳皇在笱兮雞鶩翔舞〔抱朴  
子〕鸞鳳鏡粒於庭則受辱於雞鶩也  
貧居子薛羅友道爾蘭葯〔易〕同心之言其臭如蘭〔淮南子〕  
秋葯被風葯音約白芷別名其葉謂之葯  
青燈供繆

悠〔莊子〕莊周以繆  
悠之說荒唐之言  
白屋許敦樸〔老子〕古之善爲士者深不可識故強爲之容豫兮若冬涉川猶兮  
若畏四鄰儼若客渙若冰將釋敦兮其若樸曠兮其若谷渾兮其若濁  
才疎世不用達者

譏數數有暇姑治田相看在帷幄

### 夢巖南老人

文章餘耿光〔韓愈詩〕李杜文章在光燄萬丈長  
耆舊日偃臥〔後漢書〕袁安居貧大雪丈餘洛陽令案行見民家皆除雪山至袁安門無  
有行路謂安已死除雪入戶見安偃臥問何不出安曰大雪人皆餓不宜干人

晝思見其人夜夢如識路〔韓非子〕六國時張敏與高惠爲友每相思便於夢中往尋但行至半  
途即迷不知路遂回如此者三〔沈約詩〕夢中不識路何以慰相思  
恍惚疑尙存蒼茫杳

難據青山真隱淪〔桓譚新論〕天下神人  
二一曰神仙二曰隱淪  
縞髮老葦素修名可千年狹世空且莫何哉白玉埋〔晉書〕庾亮  
卒何充嘆曰埋

玉樹於上中使人情何能已已  
肯有黃金鑄〔吳越春秋〕范蠡乘扁舟出三江入五湖人莫知其所適於  
是越王乃使良工鑄金象范蠡之形置之坐側朝夕與之論政  
從知蕭散姿已是神仙具闔

闔摩日月〔離騷〕吾令帝閨開  
關兮倚閭闔而望予  
蓬萊拂雲霧玄鶴來頡頏〔瑞應圖〕黃帝集崑崙以舞衆神  
玄鶴二八翔其右〔詩〕頡之頡之  
赤虬下馳舞〔列仙  
傳〕陶

安公時諺曰。安公安公與天通。七月七日迎女以赤龍。至時安公騎赤龍而去。  
車輿清冷風。〔莊子〕列子御風冷然。蓋句有五日後返。〔宋玉風賦〕清冷冷。  
糧食沆瀣露。〔列仙傳〕陵陽子春餐朝霞。夏食沆瀣。〔服

衡賦〕飲青岑之玉醴兮。餐沆瀣以爲糧。  
沈香飢濯音械。〔正韻〕北方夜半之氣。  
憐予此流落。愛我終游豫。云胡禁苦心。曷不縱遐步。巖香返梅魂。〔十洲記〕反

魂樹。在西海聚窟洲上。花葉香聞數百里。狀如楓香。而其汁爲靈。靈丸亦名反生香。屍在地。近香氣乃活。〔蘇軾詩〕暗香先返玉梅魂。  
嶺物輸桂蠹。〔前漢書〕尉陀王上書。獻桂蠹二器。〔注〕桂樹中蝸蟲。食桂者味辛。蜜漬食之。漢嘗以獻陵

廟。〔神仙傳〕離婁公餌桂得仙。  
鏗其弄琴書。儼若陪杖屨。淒涼枳棘叢。〔後漢書〕仇覽一名香。爲蒲亭長。以德化民。署爲主簿。考城令

以爲鷹鷂。不如鸞鳳。漢遣謝曰。枳棘非鸞鳳所棲。  
寂歷芭蕉樹。〔維摩經〕是身如芭蕉。中無有實。  
我淚無處傾。荒江自東注。〔世說〕顧長康哭宣武。聲如

震雷破山。淚如傾河注海。

遣兒諤初就學

起攀青桂枝。高蹈素所仰。〔楚詞〕〔注〕淮南王安好道。感八公共登山攀桂樹。安作詩曰。攀桂樹兮聊淹留。  
嘗言天下事。歷歷指諸掌。滄海杳無波。泰

階真有象。泰階詳見王導南太山石室。  
辛勤餘十年。盍不愧吾黨。童髻尙予曾。稚齒已在櫛。儒術云世傳。聖功要蒙養。〔易〕蒙以

養正聖功也。豐芒務詒謀。〔詩〕豐水有芑。武王豈不仕。詒厥孫謀。以燕翼子。

宋苗寧攬長。遠游且今非。多學肯汝強。薜蘿衣相結。沙石劍可

破。音搶。瓦石洗物也。於心苟深造。舉世獨不賞。薰風昨夜至。韶樂鏘遺響。〔家語〕舜彈五弦之琴。造南風之詩。其詩曰。南風之薰兮。可以解吾民之愠兮。南風之時兮。可以阜吾

民之財兮。邈然懷古人。我豈久榛莽。

送俞子琦赴鄱陽卻寄董與幾高駿良李仲羽。〔按〕志。鄱陽縣。江西饒州府附郭。

昔子泊京都。逆旅無所館。柳侯教國子。〔周禮〕師氏以三德教國子。居虎門之左。子實同里閭。泊君中外姻。辛苦託螿案。〔晉書〕車武子

精勤不倦。博覽多通。家貧無油。夏月練糞。盛數十盞。火以照晝。聊希邯鄲步。解見寄陳生。共洒臨淄汗。〔史記〕臨淄之塗。車轂擊人。肩摩。連絰成帷。舉袂成幕。揮汗成雨。北風吹老榆。青莢落

零亂。〔齊民要術〕二月榆莢收乾。可作齋。驗。齋音茂。醢音豆。〔說文〕榆。替也。流來金水河。一派春波渙。〔元史〕金水河。源出宛平縣玉泉山。流至和義門南水門。入京門城。至大四年七月。奉旨引金水河水注之。

林天殿。西花園。石山前。上林始罷獵。萬姓方縱觀。解見胡仲申至。畫車挾縱騎。衝突何可算。〔前漢書〕武帝作畫雲車。〔漢官儀〕執金吾縱騎二百人。故

人我董生。曾是秋闈冠。相攜高李徒。往往妙辭翰。當場許英俊。與國峙楨幹。〔書〕峙。乃楨幹。雍容講都俞。〔尚書〕注。都。

歎美之辭。應許之辭。潔淨稽象象。〔禮〕潔淨精微易教也。〔易本義〕象即文王所繫之辭象者卦之上下兩象及兩象之六爻。周公所繫之辭也。心懷有道徵跡逐交游散豈非泛駕

材中路乃羈絆。〔前漢武帝詔〕馬或奔蹏而致千里士有負俗之累而立功名夫泛駕之馬跡馳之士亦在御之而已。〔宋書〕劉瑀爲右衛將軍年位本在何偃前孝武初偃爲吏部尙書瑀圖侍中不得與偃同從郊祀時偃乘在前瑀策駟居

後相去數十步瑀駟馬及之謂偃曰君縛何疾偃曰牛駿御精所以疾耳偃曰君馬何遲瑀曰騏驎躍於羈絆所以居後偃曰何不著鞭使致千里答曰一蹴造青雲何至與駕馬爭路去矣江上居兼葭渺無岸幸君捧

省檄。〔漢書注〕檄木簡爲書長尺二寸用徵召也。〔後漢書〕毛義家貧養親張奉慕其名詣義會府檄至。以義爲守令義捧檄入喜動顏色奉心賤之及母死除服舉賢良方正不就奉嘆曰往日之喜爲親也。而此蒞侯頻。〔詩〕魯侯

戾止在泮飲酒泮與頻同。尙應念爾祖文彩殊煥爛。〔又〕無念爾祖聿修厥德。儒科旣衰然闕職仍宣贊。〔前漢董仲舒傳〕今子大夫褒然爲舉首。〔注〕褒進也爲舉賢良之

也。直將遠猶告。〔詩〕遠猶辰告。慎勿細娛翫焉能尊瓦缶。〔楚辭〕黃鐘毀棄瓦缶雷鳴。反不用圭瓚。〔詩〕盍爾圭瓚。卓彼九臯鶴長鳴

知夜半。〔又〕鶴鳴于九臯聲聞于天。〔風土記〕白鶴性警至八月露降流於草葉上滴滴有聲則鳴。箴繆吾羽毛踴躍在雲漢。〔潘岳賦〕敷藻翰之箴繆。箴音裴。繆音緄。〔集韻〕張羽貌。

雨晴

久雨雨不絕長嗟春莫時。梨花一片雪楊柳但青枝。日出散我步閒雲結幽姿。山嵐撲小牖澗水激中坻。

〔詩〕宛在水中央。對景且歡樂逢年須軫餓。〔列女傳〕秋胡謂其妻曰力田不如逢年。蕭條併日食。〔禮〕儒有併日而食。嘆息東門廩揀菑幸亟揀。

移粟將疇移。吏商自有計。錢虜渠何私。〔後漢書〕馬援曰。凡多財。貴能賑。施。否則守錢虜耳。盡以頒昆弟故舊。物情正懷懷。淫潦乃見欺。空甌本汝

舊。〔揚子方言〕齊東北海岱之間。謂之甌。〔五音集韻〕大甌可受一石。美麥尚今茲。我生頗好古。當務獨不知。毋寧坐復起。得誦書與詩。古人不

我待。去矣安能追。我不識古人。陳言果爲誰。〔韓愈答李翊書〕惟陳言之務去。憂憂乎其難哉。撥書既自笑。撫席更深思。渺渺千載後。

此心誰我期。

### 夕乘月渡荆門關

初更渡荆門。觸眼舟楫亂。堤吏時一呼。舉篙類魚貫。〔三國志鄧艾傳〕將士皆攀木緣崖魚貫而進。野雞悄無聲。行子空扼腕。綠樹

烟靄沉。清波月光爛。分涼短衣披。習靜單幘岸。〔後漢書〕光武岸幘迎笑。畸愁本難祛。美景聊此翫。荒荒東原平。泯泯

魯濟斷。〔書〕東原底平。〔注〕東原。漢之東平國。今之鄆州也。在濟之東。水退而平。故謂之平。〔又〕導沈水東流爲濟。〔注〕沈水。東出于今孟州濟源縣。二源合流至溫縣。是爲濟水。歷魏公臺西南入河。歲儉菅蒯繁。〔左傳〕雖有絲麻。不遺菅蒯。時康萑苻散。〔左傳〕太叔爲政。不忍猛而寬。于是鄭國多盜。取人于萑苻之澤。秋槎別

星河。秋槎。解見海。上入槎篇。曉夢窺日觀。日觀。解見泰山高。懸知平生奇。歷覽天下半。長衢紅塵腥。〔西都賦〕紅塵四合。烟雲相連。古調白石粲。

星河。秋槎。解見海。上入槎篇。曉夢窺日觀。日觀。解見泰山高。懸知平生奇。歷覽天下半。長衢紅塵腥。〔西都賦〕紅塵四合。烟雲相連。古調白石粲。

解見秋 徒聚幾州鐵。（五代史）羅紹威帥魏博牙軍驍恣盡殺之由 肯餐三斗炭。（唐書）楊德幹為刺史威嚴 人生空

自憐歲序忽已換。出門更呼車。春淺冰未泮。（詩）迨

送方養心歸餘姚

切切復切切。行子慘不悅。嗟此四方志。出門彌激烈。孤蹤眇泗沂。泗水。解見送宣彥昭。沂水出泰山 遠眼

窮恆碣。（書）太行恆山。至子碣石。爾雅。恆為北岳。史記注。恆山在定州恆衡縣。碣石解見觀秦丞相碑。 急吹半天來。曾冰千尺裂。高車少停輪。健馬空嚼雪。雄

劍彈無聲。雄劍。解見早秋偶然作。 敝衣不得結。（家語）子夏之衣。懸結為鶉。 魯鄒誰學經。齊趙幾奇節。商歌敲樹枝。句解見秋 漢禮表

茅蘊。解見柳博十出示。 向時曾買舟。一往脫羈紲。汴流入汪洋。汴流。解見說 廬阜陵嶠嶮。（水經注）孫放廬山賦曰。尋陽郡南有廬山。九江之鎮也。臨彭蠡

之澤。接平敞之原。山圍曰。山周四百餘里。嶠音垓。嶠音孽。山突兀貌。葉家洗塵埃。（高士傳）向長字子平。為子嫁娶畢。勅斷家事。與同好禽子夏遊五岳名山。不知所終。 求道希老耄。微烟錦囊鮮。（李

序）李賀每且出。騎款段馬。從小奚奴。背宿露瑤草苗。瑤草。解見讀 故國尙遺雉。（左傳）都成過 前王多覆轍。夷門迷

古錦囊。得句即書。投囊中。暮歸足成之。

漢武內傳篇。百雉國之害也。

戰區。〔史記〕魏公子無忌救趙，往赴秦軍，行過夷門，見侯生。太史公曰：吾過大梁之墟，求問其所謂夷門，夷門者，城之東門也。 良嶽守孤孽。〔宋史〕蔡京欲以宮室媚帝，作萬歲山，山成，更名曰良嶽，周十餘里，帝自爲記，山在國之良

位故也。輕鞍小駟殘。〔左傳〕韓原之戰，管惠公乘小駟，慶鄭諫不聽，及戰還，澤而止。公號慶鄭曰：「復諫，適下，固敗是求，又何逃焉？」遂去之。秦師獲晉侯。 勁矢天狼折。〔天官書〕東有大星曰天狼，狼角變色，多盜賊，下有

四星，曰狐直狼。〔渾天賦〕天狐直而狼顧。〔天皇會通〕狼主相侵盜賊也。狐，天弓也。常屬矢，擬射于狼。 肯動箕子歌。〔史記〕箕子朝周，過故殷墟，咸生禾黍，箕子傷之，作麥秀之詩，以歌咏之。曰：麥秀漸漸兮，黍油油，彼狡童兮，不我好仇。狡

童，村也。民爲流涕。虛貽晉人映。〔莊子〕吹筦，猶有喘也。吹劍首者，映而已矣。堯舜之人所譽也。道堯舜于戴晉人之前，譬猶一映也。〔注〕司馬彪曰：劍環頭小孔，吹之映然如風過也。映，音血。 從來識時務，往往在

俊傑。〔通鑑〕劉備訪士于襄陽，司馬徽曰：「識時務者，在於俊傑，此間有伏龍鳳雛。」備問爲誰，曰：「諸葛孔明，龐士元。」 神仙真繆悠。〔解〕見得杭州書。 民物正騷屑。〔劉向九嘆〕風騷屑以搖木兮。〔杜甫詩〕農事

都已休。兵戈況騷屑。茲游回云佳，所學終不竭。縞髮寧恕人，寒燈遽明滅。歸尋赤城幽。〔孫綽天台賦〕赤城霞起以建標，瀑布飛流而界道。〔會稽記〕赤城，山名。

色皆赤，狀似雲霞。〔天台山圖〕赤城山，天台之南門也。 坐視滄海洩。〔博物志〕東海稱渤海，又謂之滄海。 遙空飛霄濤。〔解〕見姑蘇臺。 厚地坼禹穴。〔解〕見射的山。 窮冬息山燠。

長夏仍獨繁。〔莊子〕冬則獨繁于江，夏則休乎山，燠，獨音提。 那能事輕舉。〔楚辭〕顯輕舉而遠遊。 但可容疎拙。一笑同越吟。〔句〕解見望會稽山。 毋煩用燕

說。〔史記〕燕將攻齊，聊城，拔之，或譖之燕，孝王燕將保聊城，不敢歸。齊田單攻之，歲餘不下。魯仲連乃爲書約之矢，以射城中。燕將見書自殺，聊城亂，單克之。歸言仲連于齊王，欲爵之，仲連逃之海上。爲君看白雲，還記此時別。

簷下曝背聽客話呂安撫夏貴雜事

老翁曝日坐頭髮亂如絲。歷言前朝事恍似震業時。東南立國久。天子重西陲。長江一戶限。鉅敵千熊羆。

呂家好兄弟。身擁襄漢危。圍深救不至。望絕但孤師。

〔通鑑〕度宗咸淳九年二月。呂文煥以襄陽叛降元。時襄陽久困。孤城援絕。文煥每一巡城。南望慟哭而後下。告急於朝。賈似道不督。

列國赴援。及城勢危甚。文煥艱難遣使。忍死待援。似道乃請行邊。因調臺諫上疏。以為師臣出。顧襄未必能及。淮顧淮未必能及。襄不若居中。以運天下。於是帝謂似道曰。師相豈可一日離左右耶。樊城既陷。阿朮益兵攻襄。文煥力不能支。會元主降。詔諭文煥曰。爾等拒守孤城。於今五年。宜力爾主。固其宜也。然勢窮援絕。其如數萬生靈何。文煥乃降。襄陽既失。則東南不可守矣。

戈兵空鶴鄰。

〔左思賦〕家有鶴膝。戶有犀渠。〔注〕鶴膝。矛也。矛截如鶴脛。上天下小。謂之鶴膝。

部伍尙魚麗。

魚麗。解見觀。

居民併習戰。結束類鮮卑。砲車燒樓櫓。斤斧遽已施。權場謾互市。軍壘竟登陴。〔通鑑〕度宗咸淳四年七月。置權場於

樊城。先是劉整言於蒙古曰。南人惟恃呂文德耳。然可以利誘也。請遣使以玉帶與之。求置權場於襄陽城外。蒙古從之。至鄂。請於文德。文德許焉。為請於朝。開權場於樊城外。築土牆於鹿門山。外通互市。內築堡壁。蒙古又築堡於白鶴。由是敵有所守。以遏南北之援。時出兵。哨掠襄樊城外。兵威益熾。文德弟文煥。知為蒙古所賣。以書諫止。文德始悟。然事已無及。惟自咎爾。五年十二月。疽發背卒。

夏貴本小校。戎行早驅馳。當街苦醉酒。袒跣受鞭笞。雙

瞳夜照路。面刺鬪鋒旗。積功到大關。綾誥疊若坻。沐熏乃得見。感激有涕洟。英雄頗用術。血死矧敢辭。上

流忽以潰。淮楚屹不枝。

〔通鑑〕度宗咸淳十年十二月。元伯顏侵陽邏堡。夏貴帥師守之。阿朮言於伯顏曰。攻城下策也。宋人之心。謂我非陽邏不可渡。故堅守以拒我。若以鐵騎過流西上。以擣其虛。則渡江必矣。薄暮。阿朮帥衆迺



江而上泊於青山磯。宋師不之知也。即率衆徑渡。遂登南岸。乘勢追殺。室鄂南門。伯顏復侵陽邏堡。夏貴棄師走還。廬州師大潰。伯顏入堡。遂濟江。會阿朮。遣鄂州知漢陽軍王儀以城降。陽邏堡。江鄂之蔽也。既失。則江不可守矣。終同祖約走。

蘇峻舉兵。尅京都。矯詔以祖約爲侍中。太尉尙書令。潁川人陳光。率其屬攻之。約左右閻禿。貌類約。光謂爲約。擒之。約踰垣獲免。約之諸將復陰結石勒。請爲內應。勒遣石聰來攻。約衆潰。奔歷陽。尋以左右數百人。奔於勒。勒薄其爲人。不見者久之。後爲勒所殺。恨比。

劉琨雌。〔又〕桓溫自以雄姿風氣。是宣帝劉琨之儔。有以其比王敦者。憲甚不平。及是征還。於北方得一巧作老婢。乃琨妓女也。一見溫。便潸然而泣。問其故。答曰。公甚似劉司空。溫大悅。出外整理衣冠。又呼問婢云。面甚似恨薄。眼甚似恨小。鬚甚似恨赤。形甚似恨短。聲甚似恨雌。溫於是罷冠解帶。昏然而睡。不怡者數日。

蕪湖十二萬。鉦鼓且棄之。〔通鑑〕恭宗德祐元年正月。賈似道帥師。次於蕪湖。抽諸路精兵。凡十三萬人。以行。二月。夏貴帥師。會似道於蕪湖。遂同次於魯港。似道以精銳七萬餘人。盡屬孫虎臣。次於池州。下流之丁家洲。夏貴以戰艦二千五百。互江中。雖列陣向敵。殊無鬪志。元阿朮遣人掠宋舟。大呼曰。宋軍敗矣。虎臣遽遁。夏貴不戰而走。似道錯愕失措。遽鳴鉦收軍。阿朮伯顏水岸夾攻。殺溺死者不可勝數。元帥乘勝東下矣。人力不至此。百年知者誰。

至杭聞胡汲仲先生沒去秋奉柩葬建昌。〔按〕志建昌隸江西省。

我舟東至杭。直下追落鵲。悲風吹白蘋。胡子聞已卒。時秋載柩去。素紼照揚粵。〔記〕助葬者必執紼。地志。江西禹貢揚州之域。當吳楚閩粵之交。

卜茲建昌城。無地可泣骨。上天果何心。耆舊半已沒。英豪氣俱凋。蓋壤名獨兀。斯文西漢來。大旨六朝歇。其間雖振之。與世每靡密。紛拏曲學阿。〔王逸九思〕散亂兮紛拏。〔前漢書〕磔裂淫辭。漏。〔揚雄法言〕書惡淫詞之。漏法度也。〔注〕漏。濁也。音。

備。 犇騰劍崩緜。

〔韓愈詩〕霜雪刻以慘。犇騰指空衢。〔史記〕馮驩聞孟嘗君好客。躡履而見之。孟嘗君置傳舍。十日。問傳舍長。曰。客何爲。答曰。馮先生甚貧。猶有一劍耳。又崩厥。〔注〕崩。草名。綴謂把劍之物。言其劍無物可裝。但以劍繩纏之。故。 幻彩衣繡鬢。

〔後漢五行志〕更始諸將軍皆幘而衣。婦人衣繡擁鬢。時習者見之。以爲服之不中身之災也。〔西陽雜俎〕繡鬢。半竹羽衣也。

聖經黜目品。

〔黜音意。〕賢傳顛烟焯。

音字。 烟起貌。

終無萌蘖生。就此斷菑蹶。

〔荀子〕周公之狀。身如斷菑。〔注〕爾雅云。木立死曰菑。菑與菑同。

嘻公追古先。曠視眇窮髮。

〔莊子〕窮髮之北。有溟海者。天池也。〔注〕

不毛之地。 爲窮髮。

陳言去如遺。至理昭若揭。

陳言解見雨晴。〔莊子〕若揭日月而行。

遠唳狝沉窳。孤撐植摧杙。舜韶資搏拊。

〔書〕搏拊琴瑟以鳴。球搏拊琴瑟以

詠。 般斧賴剗剗。

〔前漢敘傳〕般輪權巧於斧斤。〔揚雄傳〕般睡奇其剗剗。〔說文〕剗剗。曲刀也。

以茲白谷遺。而有金鑾謁。

〔唐書〕賀知章言李白於玄宗。召見金鑾殿。〔唐李陽冰撰李白詩序〕帝

詔曰。卿是布衣。名爲朕知。非素著道義。何以及此。置于金鑾殿。出入翰林中。〔紀纂淵海〕德宗移學士院於金鑾殿上。

調琴空緇帷。

〔莊子〕孔子遊乎緇帷之林。休坐杏壇之上。弟子讀書。孔子絃歌鼓琴。

揆賦止鍛廠。〔張衡西

京賦〕直縑懸賦。鍛音殺。〔說文〕鍛有鐔也。賦音伐。盾別名。

征塵恆碣濛。

〔恆。〕解見發方養心。

教雨淮海濘。

〔書〕淮海惟揚州。

守儒終勦剛。

〔韓愈詩〕粟生宵勦剛。

從仕類燦發。

標音標。 火飛也。

漉鹽數泥鏗。

〔杜甫詩〕土鏗冷疎煙。〔注〕鏗音押。蜀人呼釜爲鏗。

飛檄沼島筏。幸焉櫛民垢。

〔韓愈撰王適墓誌〕適攝觀蔡判官。櫛垢爬癢。民獲蘇醒。

殊莫裨主

闕。平時負韋素。晚節老估畢。

估畢。解見去歲留杭。

佳友將來醪。野僧獻衣襪。訂睇耳鶴泉。

訂睇音丁寧耳。垢也。一曰耳聒。

眼瞞目鯨月。

眼音亮〔說文〕目病也。瞋同疏。音荒。〔玉篇〕目不明也。〔述異記〕南海有明珠。即鯨魚目。瞳可以鑿。俗謂之夜光珠。生爲列仙驪。〔前漢司馬相如傳〕相如以爲列仙之儒。居山澤。間形容甚驪。此非帝王之仙意也。乃遂奏大人賦。立謝

豪俠窟。解見送宣彥昭。似予本疎庸。爲士非詭崛。持衡乃藻鑑。〔晉書〕太康四年。制曰藻鑑銓衡。泛駕略銜駮。泛駕。解見送俞子琦。〔司馬相如諫獵書〕清道而後行。

中路而後馳。猶同門溢江漢。共道耀參伐。〔星經〕參七星。兩肩雙足三爲心。中央三小星曰伐。〔天皇會通〕參中三星。爲中軍。正中一星。大將旁二星。參謀也。命名爲參。以二肩爲左右將軍。二足爲前後將軍。伐

大將之柄。主大司馬九伐之法。以正邦國者也。將令異虻肆。〔揚子法言〕龍蟠於泥。虻其肆矣。虻哉虻哉。惡。略龍之志也。歟。〔注〕虻。蜥蜴也。音源。肯使增獸狽。〔禮〕麟以爲畜。故獸不狽。狽音曰驚走貌。於今

我多慚。固已遭一別。解見得杭州書。憤結餘舊羶。〔世說〕王子敬夜臥齋中。有羶盜入其室。王徐曰。偷兒。青甌我家舊物。可特置之。軒騫豈黔突。〔淮南子〕孔子無黔突。墨子無煖席。

將來杳微茫。使者眞咄咄。宜哉貞耀謚。稱彼甘棠笏。〔通鑑〕唐文宗嘗命魏謩獻其祖文貞公笏。鄭覃曰。在人不在笏。帝曰。亦甘棠之比也。公往知我誰。翻然

採蠨蟧。蠨蟧。解見還舍後。悵悵西北雲。從以泛溟渤。



# 淵穎集卷五

送鄭獻可南歸莆田寄周公甫

〔按〕莆田今屬福建興化府。

自昔道術本一原。後來雜沓乃異轅。粵從西漢始立傳。獨守章句稱專門。

〔前漢儒林傳〕漢興言易自淄川田生言書自濟南伏生言詩於魯則申培

公於齊則轅固生。燕則韓太傅。言禮則魯高堂生。言春秋於齊則胡毋生。於趙則董仲舒。及竇太后崩。武安君田蚡爲丞相。黜黃老刑名百家之言。延文學儒者以百數。而公孫弘以治春秋爲丞相。封侯。天下學士靡然嚮風矣。〔後漢書〕鄭玄字康成。從馬融受學。後歸鄉里。學徒相隨者數百千人。及黨事起。遂隱修經業。杜門不出。凡玄所註周易、尚書、毛詩、儀禮、禮記、論語、孝經、尚書大傳、中候、乾象歷。又著天文七政論、禮禘祫義、六藝論、毛詩譜。駁許慎五經異義。答臨孝存周禮難。凡百萬餘言。唐人疏義不改舊。

〔通鑑〕唐太宗以師說多門。章句繁雜。命孔穎達與諸儒定五經疏。謂之正義。令學者習之。宋代理學交相敦。吾知衆儒此間出。遂指濂洛爲雄藩。

〔宋紀〕周茂叔程顥時稱濂

洛。〔李白詩〕風霜推獨坐。旗節鎮雄藩。當時莆田有先達。

〔庾亮讓表〕十餘年間。位超先達。

信爾夾漈好弟昆。

〔莆田縣志〕夾漈山。在縣西北八十里。亦名東山。旁有西巖。宋鄭樵築草堂以居。久之乃遊

名山。抄奇訪古。遇藏書家。必借留讀。盡乃歸。以討論著述爲事。凡經史禮樂。天文地理。蟲魚草木。方書之學。皆有論辨。紹興中以薦召對。授樞密院編修。所著書凡五十八部。有通志略行世。學者稱夾漈先生。稍南有蘄林山樵。從兄厚。讀書其處。

發揮聖賢

本根殖。

〔通志總序〕自書契以來，立言者雖多，惟仲尼以天縱之聖，故總詩書禮樂而會於一手，然後能同天下之文，貫二帝三王而通為一家，然後能極古今之變，是以聖道光明，百世之上，百世之下，不能及。

評駁遷固枝葉繁。

〔又〕司馬氏世司典籍，工於制作，勒成一書，分為五體，百代而下，史官不能易其法，然大著述者，必深於博雅，當遷之時，挾書之律初除，得書之路未廣，亘三千年之史籍，而踟躕於七八種書，所可為遷恨者，博不足也，又遷書探摭未備，筆削不遺，劉知幾亦譏其多聚舊

記，時插雜言，所可為遷恨者，雅不足也，班固者，浮華之士也，自高祖至武帝，凡六世，盡竊遷書，自昭帝至平帝，凡六世，資於賈逵，劉歆，況又有曹大家終篇，則固之自為書也，幾希。

〔又〕孔子曰：殷因于周，禮所損益，可知也。周

因于殷，禮所損益，可知也。此言相因也。自班固以斷代為史，無復儀章器數疇能言。

〔又〕江淹有言：修史之難，無出於志，誠以志總天下之大學術，而條其綱目，名之曰略，凡二十略，曰氏族，曰六書，曰七音，曰天文，曰地理，曰都邑，曰禮，曰謚，曰器服，曰樂，曰職官，曰選舉，曰刑法，曰食貨，曰藝文，曰校讐，曰圖譜，曰金石，曰災祥，曰昆蟲，百代之憲章，學者之能事，盡於此矣。

居然章編纂。

〔史記〕孔子晚篋筭，而喜易，章編三絕。旋用束帛徵丘園。

〔易〕賁于丘園，束帛芟芟，湘山野錄，韓詩外傳，諸儒所解束帛，皆謂卷其帛為二端，五匹為十端，乃束帛也。

惠施多方，其書五車，其道外駭。方朔千牘，徒飛鳶。

〔史記〕東方朔初入長安，至公車上書，凡用三千奏牘，讀之二月乃盡。〔曹植書〕不能飛鳶絕跡，一舉千里也。公車奏上欠大用。

〔後漢光武紀〕詔公卿司隸州牧，舉賢良方正各一人，遣詣公車。〔注〕公車門名，公車所在，因以名焉。屋壁藏在博諸孫。

〔孔安國尚書序〕先人用藏其書於屋壁。〔前漢儒林傳〕秦禁書，伏生壁藏之。世家相承，幾譜系，宗廟所重，真瓊瑤。

〔左傳〕季平子卒，陽虎將以瓊瑤斂，仲梁懷弗與，曰：改步改玉。〔注〕瓊瑤，魯寶玉，昭公之用，季孫行君事，佩瓊瑤祭。

宗廟今定公立復臣位改君步當去之

### 馬圖陽陽太極秘

〔易〕河出圖洛出書〔家語〕河出龍圖〔注〕龍似馬負圖出〔易〕一陰一陽之謂道〔又〕易有太極是生兩儀

麟史袞斧天干尊

〔六經輿論〕胡安國以爲文成而麟至或者又謂春秋感麟而作以問於伊川伊川以爲夫子之意蓋亦有素因此一事而作故亦因此一事而終其書春秋不書爲獲麟而作然麟不出世春秋豈不作因圖書而畫卦使圖書不用八卦亦須作惟此言得之或者又曰春秋絕筆于獲麟仲尼傷己之不過不知鳳鳥不至河不出圖夫子之嘆久矣豈至是而後知之耶孔穎達序夫子因魯史之有得失據周經以正褒貶一字所蓋有同華袞之贈一言所貶無異肅斧之誅春秋胡傳春秋以天自處創制立名繫王於天爲萬世法也

文苑

### 儒林各空輿

〔荀子〕突輿內〔杜甫詩〕文章開突輿〔注〕西南隅謂之輿東方謂之突突與突同

父風祖德猶光燉一朝便筵列宿次

〔唐書〕筵羽翹鸞〔注〕筵音筵去聲高飛翾疾也

〔後漢明帝紀〕館陶公主爲子求郎不許曰郎官上應列宿出宰百里

何事負隔勾陳垣

〔星經〕勾陳六星爲六宮亦主六軍〔晉天文志〕勾陳六星在紫宮中勾陳後宮也王者法勾陳設環列

歲晚東游幸我

接江城極論餘空樽海上山川恍可到閩中耆舊嗟無存考亭過從卽闕里

〔言行錄〕朱晦菴從居武陽之考亭有山溪之勝曲阜縣志闕里因兩

觀臺闕以爲名肯洙面泗即鑿相園之東北兩觀臺各高一丈在魯城內

麗澤講習或艾軒

〔易兌卦〕麗澤兌君子以朋友講習宋呂祖謙夜宿浦城讀林謙之詩使短牋無姓字也應知自艾軒來〔莆田縣志〕林光朝字謙之號艾軒專

心踐履不爲調話南渡後以伊洛之學倡東南按志金華府有麗澤書院

至正須求汝墨斲

〔潛夫論〕造規繩矩斲以教後人書既勤樸斲

大和定許吾篋堦

詩伯氏吹篋仲氏吹篋

微颺翻

### 翻剔橋蠹

颺音標〔說文〕扶搖風也翻音喧〔說文〕小飛也〔陸龜蒙蠹化篇〕橋之蠹大如小指一日視之不食不動明日復往則蛻爲蝴蝶

積霰叫嘯招梅魂

霰音線〔說文〕稷雪也言雪初作未成華圓如稷

粒也。楚辭注。招魂者。宋玉之所作也。哀閔屈原。無罪放逐。恐其魂魄離散。而不復還。遂因國俗。託帝命。假巫語。以招之。謝惠連詩。夢斷笛悲風。清吹闌月淡。烟村空。想暗香。靚色。誰招雪魄冰魂。

別懷未盡苦竹雨。

越絕書。苦竹城者。勾踐代吳還。

封范蠡子也。范蠡苦勸

功篤。故封其子於是。

歸路亟趁扶桑暎。扶桑。解見早秋。偶然作。杜市詩。絕壁上朝暎。暎音吞。日始出。向物貌。

周君故人我同病。名郡重席特爾溫。

後漢

戴憑傳。憑為博士。正且令羣臣說經史。相詰難。有不通。輒奪其席。以益通者。憑重坐五十餘席。

尺劍毋令紫氣隱。

雷煥別傳。煥字孔章。善星歷。卜占。晉司空張華。夜見紫氣起牛斗間。之煥曰。此謂寶劍氣。華曰。有相吾者云。君實達。身佩寶劍。

此言欲效矣。乃以煥為豐城令。煥至縣。移獄掘地三十餘尺。得青石函一枚。中有雙劍。文采未甚明。煥取南昌西山黃白土。用拭劍。光豔照耀。乃送一劍并黃土與華。自留一劍。華得劍并土曰。此干將也。莫耶已復不至。然天生神物。終當合耳。乃更以華陰赤土一斤與煥。煥

得土磨劍。鮮光愈亮。

寸膠曷救黃流渾。

抱朴子。寸膠不足。以理黃河之濁。

子魚舟通牡蠣浦。

避齋閒覽。莆陽通應子魚。名著天下。蓋其地有通應廟。廟前有港。港中魚最多。今人必求其大可通印者。謂之通印。

子魚。非也。按。志。潭去縣東北五十里。迎仙橋下。水流通錦江。本草。牡蠣。海旁皆有之。而通泰及南海。閩中尤多。皆附石而生。海人取者。皆鑿房以烈火逼之。挑取其肉。其味美好。更有益海族為最貴。

丹荔樹暗枕榔村。

王十朋謝林

慮奪先紅詩。莆中荔子勝閩中。烏石山前又不同。正向鈴齋想風味。奪先人送奪先紅。本草。枕榔與樓欄相類。蘇軾集。嘗以枕榔杖寄張文潛。有詩。沈佺期詩。空庭遊翡翠。窮巷倚桃榔。

攜箋送客復有憶。卓夫人物

擗乾坤。

泰山高寄陳彥正

按。志。山東濟南府泰安州東嶽廟。在城西北三十里。泰山下。



泰山一何高高哉極青天。

〔泰安州志〕泰山即東嶽。一曰天孫。一曰岱宗。高四  
十餘里。凡十八盤。山南天門。歷南西二天門。至絕頂。

世人欲上不可上。層巖峭壁徒攀緣。

望中絕頂路已斷。石穴上出鐵鎖下。緼歷趨相鈎連。

〔李白詩〕地崩山摧壯士死。然後  
天梯石棧相鈎連。緼音更。大索也。

誰歟愛奇者。步步喜若

癩。一心不顧死。隻手捩長烟。

〔振音辰。拗也。〕

毛羣驚迴少虎豹。羽族跼墮多烏鳶。

〔後漢馬援傳〕援擊交趾。仰視烏鳶。跼  
跼墮水中。追念從弟少游平生語。何可得

也。貼與蹠  
洒落也。

浩氣剛風。搏結虛空作世界。

〔抱朴子〕鷗鷺展翅不動。去地四  
十里。風力猛壯。可驗者有剛風世界。

蜚龍捷鬼。鑿開混沌。巢神仙。

〔資暇錄〕  
律令之令平

聲讀。律令是雷邊捷鬼。鷗冠子。兩儀未分。其氣混沌。莊子。儵與忽相遇於混沌之  
地。謀報混沌之德。曰。人皆有七竅。此獨無有。嘗試鑿之。日鑿一竅。七日而混沌死。

道逢四五叟。含笑使來前。黃冠皓髮傲几

楊。野菜素粥鋪盤筵。自非爾願力。何計此留連。當知仰扣曖昧雲霄有頂處。得不俯慙巖箐棧無窮淵。

嗟茲大凡夫。行尸走肉真腥羶。

〔拾遺記〕任永曰。好學者。雖死  
若存。不學者。雖存。行尸走肉爾。

段碧思家最可惜。李紳戀俗終難鑄。舉頭告

神人。苦乏風馬與電鞭。

〔古今注〕秦始皇有名馬曰追風。  
〔淮南子〕電以爲鞭。策雷以爲車輪。

藤蘿束縛卽鈍下。但見松柏櫛樛數萬仞。

〔宋玉九辯〕  
櫛樛樛而可

哀櫛樛音宵  
森落葉貌。

石稜突兀橫戈鋌。古來秦漢東封不到此。唯問梁父併肅然。

〔史記〕始皇之上太山。中阪遇暴風雨。休  
於大樹下。〔又〕始皇封禪之後。十二歲秦

亡諸儒生疾秦焚詩書，誅僂文學，百姓怨其法。天下畔之，皆謂曰：始皇上太山，爲暴風雨所擊，不得封禪。又武帝禪太山，遵坐明堂，羣臣更上壽。於是制詔御史，朕以眇眇之身，承至尊，兢兢焉懼不在，維德菲薄，不明於禮樂，修祠太一，若有象景光屑，如有望震於怪物，欲止不敢，遂登封太山，至於梁父，而後禪肅然。秦安州志：州南四十里有石閣山，漢武帝所禪，有仙人石閣居其下。又東五十里有亭，亭山東南一百十里，有云云山，又其西爲梁父山，古者帝王封泰山，禪梁父，即此。西陽雜俎：長白山，古肅然山也。在長山縣西南三十里。日觀嵯峨恍在下。尸子：秦山中有神房阿閣，三十六洞天之一也。舜東巡狩至此，秦始皇避雨處，有五大夫松，其山屈曲盤旋至頂，高四十餘里，上有三峯，東曰日觀，雞鳴時見日出，高三丈，西曰秦觀，可望長安，始皇嘗登此西望。

故名，又西曰越觀，可望會稽。一名月觀，以與日觀相對云。蓬萊浩渺空樓船。史記：蓬萊、方丈、瀛洲，此三神山者，在渤海中，蓋嘗有至者，諸仙人及不死藥生焉，其物禽盡白，而黃金白銀爲宮闕，未至望之如雲，及到三神山，反居水下，欲到則風引船而去，終莫能至。十洲記：秦始皇使徐福發童男女五百人，率攝樓船等入海尋祖洲，遂不返。

彼云鯨可射。史記：方士徐市等入海求神藥，數歲不得，費多恐譴，乃詐曰：以連弩射之，始皇夢與海神戰，如人狀，問占夢博士曰：水神不可見，以大魚蛟龍爲候，今上禱祠備謹，而有此惡神，當除去，而善神可致，乃令人海者齋捕巨魚具，而自以連弩候大魚出射之，自琅琊山至榮成山，弗見，至之罘，見巨魚，射殺一魚。異物志：鯨魚長者數千里。

此謂狗能牽。前漢郊祀志：公孫卿持節，當先行候名山，至東萊，言夜見大人，長數丈，就之則不見，見其迹甚大，類禽獸云。羣臣有言，見一老父牽狗，言欲見鉅公，已忽不見，上既見大迹，未信，及羣臣又言老父，則大以爲仙人也，宿留海上。

安期羨門，一往不復返。列仙傳：安期生，琅琊阜鄉人，賣藥東海邊，時人皆呼千歲翁，秦始皇東遊，請見，與語三日，夜錫金，數千，出於阜鄉亭，皆置去，留書以赤玉舄一量爲報，曰：後數年求我於蓬萊山，始皇使徐市、盧生等數百人入海求之，未至蓬萊，輒逢風波而還，立祠阜鄉亭。神仙傳：紫陽真人周義山，入蒙山，遇羨門子乘白鹿，執羽蓋，佩青旄之節，侍從十餘，玉女義山再拜，乞長生要訣，羨門曰：子名在丹臺玉室，何憂不仙。

文成五利，受寵驟貴，祈

人入海求之，未至蓬萊，輒逢風波而還，立祠阜鄉亭。神仙傳：紫陽真人周義山，入蒙山，遇羨門子乘白鹿，執羽蓋，佩青旄之節，侍從十餘，玉女義山再拜，乞長生要訣，羨門曰：子名在丹臺玉室，何憂不仙。

長年。〔前漢郊祀志〕齊人少翁以方見上拜爲文成將軍。〔又〕武帝既誅文成後，悔其方不盡，及見樂大，大說，大爲人長美，言多方略，而敢爲大言，拜爲五利將軍。仙人自有真，至道何由傳。遯焉龍漢

延康紀。〔隋經籍志〕道經者云：有元始天尊，生於太元之初，稟自然之氣，冲虛濛濛，莫知其極，所說天地淪壞，規數終盡，略與佛經同，而以天尊之體，常存不滅，每至天地初開，或在玉京之上，或在窮桑之野，授以祕道，謂之開規度人，然開規非一度矣。故有

延康赤明，龍漢開皇，是其年。去授金璫玉珮篇。〔漢武內傳〕上元夫人宴於茅君之宮，命侍女宋辟非出紫錦之囊，開綠金之笈，就其相去經四十一億萬載。

璫玉佩經授之。

### 觀陳彥正觀景拄杖歌

山人拄杖手自攜，滿杖刻畫類土圭。〔周禮〕地官大司徒以土圭之法，測土深，正日景，以求地中，日南則景短多暑，日北則景長多寒，日東則景夕多風，日西則景朝多陰，日至之景，尺有五寸，謂之地中。春

秋星辰本不錯，彼啓我閉疇能齊。〔左傳〕公既視朔，遂登觀臺以望，而書禮也。凡分至啓閉，必書雲物爲備故也。〔注〕分，春秋分，至，冬夏至，啓，立春立夏，閉，立秋立冬。日出扶桑照濛汜，

南北廣輪定幾里。扶桑，解見送鄭獻可，天間出自湯谷，次于濛汜，自明及晦，所行幾里。〔注〕書云：宅嵎夷，日暘谷，即湯谷也。爾雅云：西至日所入爲大蒙，即濛汜也。老義奉駕何太速，三足神鳥

爲之使。〔淮南子〕日中有踰鳥。〔張衡靈憲〕日，陽精之宗，積而成鳥，象鳥而有三趾者，陽之精，其數奇。日朝舉杖向天移，插表測景少參差。〔晉天文志〕鄭衆說土圭之長，尺有五寸，以夏至

之日立八尺之表其景與土圭等謂之地中今潁川陽城地也

騏驥過隙不踰晷

〔史記〕人生居世間猶六驥過隙

蟾蜍吐波同報時

〔王充論衡〕羿請不死之藥於西王母羿妻嫦娥竊之奔月是為蟾蜍

〔呂氏春秋〕審堂下之陰而知日月之行

世間惜把天機洩杖底強稱量日月蛟螭變去甲鱗生霹靂搜來光彩滅

〔後漢費長房傳〕長房辭老

翁歸翁與以竹杖曰跨此任所之則自至矣既至可以杖投葛陂中也長房乘杖須臾歸家即以杖投陂顧視則龍也〔韓愈赤藤杖歌〕空堂畫牀倚闥戶飛電著壁搜蛟螭〔注〕以杖倚戶闥飛電誤以為蛟螭而搜索之

自從宣夜無法傳

紛然周髀與渾天

〔晉天文志〕古言天者有三家一曰蓋天二曰宣夜三曰渾天漢靈帝時蔡邕於朔方上書言宣夜之學絕無師法周髀術數具存考驗天狀多所違失惟渾天近得其情所謂周髀者即蓋天之說也

嵩高窺

候尙一律

〔名山記〕嵩山在河南登封縣東十里五嶽之中嶽也其山有三峯中峯最高曰峻極峯東曰太室西曰少室高其總名耳其下各有石室洞房故謂之室居四方之中而高故名嵩高詩曰嵩高維嶽是也〔郟城山記〕山俗名鄧家山嵩之正

脈也四外岡輦盤向中發一土形小巔透逸下為夷阜即古陽城地傳曰周公營東都求土中具測景臺立土圭以測日景表石高八尺狀若柱臺後為周公廟廟後有臺曰觀星甚危敝臺之背有量天石其制劉石像成濬槽凡三十六方深青色每闊三尺六寸舊有挈壺

走水漏刻

以符日景 二極隱見仍分躔 〔晉天文志〕周天三百六十五度五百八十九分度之百四十五半覆地上半在地下其二端謂之極北極出地三十六度南極入地三十六度兩極相去一百八十二度半彊繞北極徑七十二度常見

不隱謂之上規繞南極七十二度常隱不見謂之下規

日南交愛通海陸海中諸星卻未闕

〔隋天文志〕交愛之州表無北影〔舊唐書天文志〕按南越志宋元嘉中南征林邑以五月立表望之日在表

北影居表南交州日影覺北三寸林邑覺九寸一分交州大略去洛九千餘里蓋水陸曲折非論圭表所度惟直考實其五千平開元十二年詔太史交州測景夏至影表南長三寸三分與元嘉中所測大同然則距陽城而南使直路應茲至於日下蓋不盈五千里也使者

大相元太云。交州望極。纔出地二十餘度。以八月海中望老人星下。環星燦然。明大者甚衆。圖所不載。莫辨其名。大率去南極二十度以上。其星皆見。乃古渾天家。以爲常沒地中。伏而不見之所也。太平御覽。交州去洛九千餘里。孫棟云。立表效景。景在表南。豈古郡以日南爲名者。其斯義乎。

雁門寰蔚絕龍沙。〔九域志〕代州治。雁門縣有雁門塞。即古關也。〔山海經〕雁門山者。雁飛出於其間。〔按〕志今屬山西太原府。後漢班超傳。贊坦步葱雪。咫尺龍沙。注。葱嶺雪山。白龍堆。沙漠也。 鐵勒須

與羊腓熟。〔舊唐書天文志〕鐵勒北有骨利幹。晝長夕短。日沒後。天色正曛。煮一羊腓。纔熟。而東方已曙。蓋近日出入之所。腓音夾。兩膊間背甲。與曾脅相會。圍處也。疑當作腓。 天高地遠涉八紘。〔淮南子〕九州之外有

八紘。八紘之外有八極。八極之外有八極。東北之紘。曰和丘。曰荒土。東方之紘。曰棘林。曰桑野。東南之紘。曰大窮。曰桑安。南方之紘。曰都廣。曰反戶。西南之紘。曰焦僂。曰火土。西方之紘。曰金丘。曰沃野。西北之紘。曰一日。曰河所。北方之紘。曰積冰。曰委羽。〔揚雄文〕日月之

經不千里。則不能燭六合。耀八紘。章亥擊亥腳力爭。解見病起。讀列子。 出入安穹足議論。〔晉天文志〕成帝咸康中。會稽虞喜因宣夜之說。作安天論。喜族祖河間相。黎又立穹天論。吳太常姚信。造昕天

論。虞喜。虞尊。姚信。皆好奇術。經營鮮洛空璣衡。〔又〕漢太初。洛下閔鮮于安人。耿壽昌等。造員儀以考歷度。後至和帝時。賈逵繫異之說。非極數。談天者也。作又加黃道。至順帝時。張衡又制渾象。具內外規。南北極。黃赤道。列二十四氣。二十

八宿。中外星官。及日月五緯。以漏水轉之於殿上室內。星中出沒。與天相應。〔書〕在璇璣玉衡。以齊七政。〔疏〕璣爲運轉。衡爲橫。運璣使動於下。以衡望之。漢世以來。渾天儀是也。 我朝華戎早一統。山梯海航萬

國共。〔文選〕梯山航海。喻涉跋涉之貢。 火嶠尾閩侵暑熱。〔莊子〕水莫大於海。萬川歸之。尾閩泄之。〔注〕閩者。聚也。水聚族之。處在扶桑東。一名沃焦。一石方圓四萬里。厚四萬里。海水注者。無不焦。 骨橋魑

魅壓冰凍。古今陽城一岳臺。三十六度增減來。〔晉天文志〕鄭玄云。凡日景於地。千里而差一寸。景尺有五寸者。南戴日下萬五千里也。以此推之。日當去其下地八萬里矣。日邪射陽城。則天徑之

半也。體圓如彈丸。地處天之半。而陽城爲中。則日春秋冬夏昏明晝夜去陽城皆等。無盈縮矣。故知從日邪射陽城。爲天徑之半也。〔玉海〕皇祐初置岳臺。今京師岳臺坊。地日浚儀。近古候景之所。〔按〕皇祐宋仁宗年號。郭公新製十五表。

### 天下日影無纖埃。

〔元天文志〕郭守敬言歷之本。在於測驗。而測驗之器。莫先於儀表。天樞附極而動。昔人嘗展管望之。未得其作候極儀。極辰既得。天體斯正。作渾天象。象雖形似。莫適所用。作玲瓏儀。以表之。矩方。測天之正圓。莫如以圓。

求圓。作仰儀。古有經緯結而不動。改之作立運儀。日有中道。月有九行。合而作證理儀。表高景虛。其象非真。作景符。月雖有明側景。則難作關。凡歷法之驗。在於交會。作日食月食儀。天有赤道輪以當之。兩極低昂。標以指之。作星昴定時儀。其器凡十有三。又作正方。按九表懸正儀。凡四等。爲四方行測者所用。又作仰規覆矩圖異方渾蓋圖。月出入永短圖。凡五等。與上諸儀互相參攷。吾知渾天爲中國東南海際殊傾側。周髀本因勾股得。〔管天文

志〕鄭玄云。以勾股法言之。旁萬五千里勾也。立八極萬里股也。從日邪射陽城弦也。以勾股求弦法入之。得八萬一千三百九十四里三十步五尺三寸六分。天徑之半。而地上去天之數也。倍之得十六萬二千七百八十八里六十一步四尺七寸二分。天徑之數也。以周率乘之。徑率約之。得五十一萬三千六百八十七里六十八步一尺八寸二分。周天之數也。崑崙當中標四極。〔龍魚河圖〕崑崙山。天中柱也。〔爾雅〕東至

### 一氣浮。

〔玉海〕後漢許謹云。堪天道。輿地道。〔列子〕天積氣耳。

### 鄒衍九州復九州。

〔史記〕騶衍言儒者所謂中國於天下。乃八十一分之一爾。中國名曰赤縣神州。赤縣神州自有九州。禹之序九州是也。外國如赤縣。

神州者九。乃所謂九州也。有裨海環之。如此者九。乃有大瀛海環其外。

### 蚺蟄蟻子託大樹。大樹所託終難求。

〔韓愈詩〕蚺蟄撼大樹。可笑不自量。〔爾雅〕蚺蟄大蠹。〔注〕俗呼馬蚺蟄。嗟哉周

### 渾說未定。

〔玉海〕太史監南宮說云。原古人所以步圭景之意。將以敬授人時。欽若乾象。不在於渾蓋。之是非。若乃述無稽之法。於視聽之所不及。常缺疑而不議也。六家之說。迭爲矛盾。

誠以爲薰天邪。則南方之度漸狹。果以爲渾天邪。則北方之極淺高。此二者。渾蓋之家。盡智畢議。未見能通其說也。六家謂渾天。蓋天。宣夜。安天。听天。奪天也。

拄杖在手與日竟。一行歷術久成書。

〔舊唐書天文〕

志。貞觀中。李淳風撰。法象志。以唐之州縣配。至開元初。沙門一行又增損。其書更爲詳密。既事包今古。與舊有異。同。頗裨後學。

康節算學知何如。

〔宋史〕邵雍字堯夫。河南人。知慮絕人。遇事能前知。程頤嘗曰。其心虛明。自能知之。當時學

者。因雍之前知。謂雍於凡物聲氣之所感觸。輒以其動。而推其變。於是世事之已然者。皆以雍言先之。雍蓋未必然也。

### 題錢舜舉張麗華侍女汲井圖

景陽宮中景陽井。手出銀盤牽素綆。

〔古樂府〕後園鑿井銀作床。金瓶素綆汲寒漿。〔說文〕綆。汲井索。

鉛華不御面生光。

〔洛神賦〕鉛華弗御。〔博物志〕燒鉛作胡粉。

帳垂綃花妬影。

〔杜陽雜編〕寶曆二年。湖東國貢舞女二人。一曰飛鸞。一曰輕風。歌聲一發。如鸞鳳之音。舞態豔逸。更非人間所有。每歌罷。上令內人藏之。金屋寶帳。蓋恐風日所侵故也。宮中語曰。寶帳香重重。一雙紅芙蓉。

臨春結綺屹層空。

〔陳書〕後主作臨春。結綺。望春三閣。以沈檀香木爲之。每微風至。香聞數里。其下積石爲山。引水爲池。臨春後主自居。結綺張麗華居之。望春麗孔二妃居之。

璧月瓊枝狎客同。

〔又〕後主貴妃遊宴。諸貴人

女學士。與狎客共賦新詩。互相贈答。采其尤豔麗者。以爲曲調。被以新聲。選宮女有容色者。以千百數。令習而歌之。其曲有玉樹後庭花。臨春樂等。其略云。璧月夜夜滿。瓊樹朝朝新。大抵皆美張貴妃孔貴嬪之容色。

鴛鴦戲水池。塘雨。蝶尋香殿閣。風日高歡宴。驕若訴。牀腳表章昏不寤。

〔通鑑〕隋賀若弼度京口。被人密啓告急。陳主飲酒不省。及被擒。高顛見在牀下。猶未開封。其後隋主目之曰。此敗豈不由酒與作詩。

之。吳兒白袍戰鼓死。

〔南史〕梁陳慶之麾下悉着白袍所向披靡。先是洛中謠曰名軍大將莫自半千兵萬馬避白袍。〔前漢書〕李陵夜半時擊鼓起士鼓不鳴。

洛土青蓋降船渡。

〔晉書〕孫皓時錢

塘湖開或言天下當太平青蓋入洛時皓以問陳訓訓曰臣止能望氣不能達湖之開塞退而告其友曰青蓋入洛將有與櫛衡璧之事尋而吳國亡。

井泥無波井欄缺半點胭脂汗緋雪。

〔南畿志〕景陽井在臺

城內後主與張璠華孔貴擯投其中以避隋兵舊傳闕有石脈以帛拭之作臙脂痕名臙脂井一名辱井在法華寺。

蕙心蘭質吹作塵目斷寒江鎖江鐵。

〔通鑑〕隋軍臨江間諜至後主從容謂侍臣曰王氣

在此齊兵三來周師再來無不摧敗彼何爲者耶孔範曰長江天塹古以爲限隔南北今日虜軍豈能飛渡耶後主笑以爲然故不爲深備奏伎縱酒賦詩不輟。〔晉書王濬傳〕吳人於江險積要害之處並以鐵鑿橫截之又作鐵錐長丈餘暗置江中以逆距船濬乃作大筏令善水者以筏先行筏遇鐵錐雖輒著筏去又作火炬長十餘丈大數十圍灌以麻油在船前遇鐵鑿然炬燒之須臾融液斷絕。

題李伯時寶津騎 校馬射圖

東都天子幸寶津。

〔按〕志開封府城西鄉門外西北金明池周迴九里餘中有寶津樓樓之南有宴殿殿西有射殿殿南有橫街牙道柳徑駕車臨幸觀騎射百戲於此。

左右突騎多近臣。

〔後漢景丹傳〕絕

突騎大破  
王郎兵

少年據鞍卽齊足。

〔陳琳檄〕清辭妙句殺絕煥炳譬猶飛羈流星超山越海龍驤所不敢追況於驚馬可得齊足。

青柳絳綃不遺鏃。

〔史記〕楚養山基善射去柳葉百步射之百發百

中〔玉海〕宋嘉祐間上設宴瓊林苑觀衛士射柳枝。〔揮塵後錄〕張公諱路斯唐景龍中爲宣城令罷歸常釣於焦氏臺之陰歸則體常寒而濕夫人問故張曰我龍也。黎人鄒祥遠亦龍也。與我爭釣處明日當戰夫人可使九子助我我領絳綃。鄒青綃明日射青綃者



中之怒而去。投於合肥。前手引梢如附枝。後手放箭箭不知。〔列女傳〕晉平公使工爲弓。三年乃成。射不穿一札。公怒。將殺工。其妻遽入見公曰。妾之夫造此弓。亦勞矣。而不穿一札。是

君不能射也。妾聞射之道。左手如拒。右手如附。羽林劍客塵霧瀾。羽林。解見秋日雜詩。〔前漢書〕李陵召見武蓋。叩頭自請曰。臣所將屯邊者。皆荆楚勇士。奇材劍客也。力扼虎。射命中。願得自當

除。蘭一作筋蕙腕電聲馳。〔相馬經〕馬生下。墮地無毛。行千里。尿舉一腳。行五百里。鬪筋堅者千里。膝如團麴千里。先朝射

技兵恨弱。舊柵毬門馬驚躍。軍書到夏風噴河。〔按〕宋史。仁宗寶元元年十月。元昊僭稱帝。建國號曰大夏。遣使奉表。望許以西郊之地。冊爲南面之君云云。宰相張士遜。即騰絕和問罪羣臣

皆請出師討之。諫官吳育獨請姑許其所求。彼將無詞。然後險救邊臣。密修戰備。奏入。士遜笑之。二年六月。下詔削奪元昊官爵。絕互市。揭榜于邊。募能擒元昊者。斬首獻者。即授定難節鉞。已而元昊又遣賀永年齎書納節。及所授物。置神明匣。留歸嬖族而去。使

節通遼雪跑幕。〔按〕宋史。太祖開寶八年。契丹主賢。命其涿州刺史耶律琮。貽書知雄州孫全興。請通好。全興以聞。帝命答書許之。契丹乃使克沙骨。慎思來。結成復遣人告北漢。以通好於宋。無安佞伐。秋七月。遣閩門使郝崇信。太常丞呂端。使

舞丹報聘。自是和好。入寇不常。世受其惠。南宮試士親見來。筆下駿逸真龍媒。〔前漢禮樂志〕天馬徠。從西極。涉流沙。九夷服。天馬徠。出泉水。虎脊兩化若鬼。天馬徠。歷無

至英宗治平三年。契丹復改國號曰遼。草徑千里。循東道。天馬徠。執徐時。將搖舉。誰與期。天馬徠。開遠門。矧予身。逝昆侖。天馬徠。龍之媒。游閩闔。觀玉臺。澄心一紙依稀在。〔詩文發源〕澄心堂紙。乃江南李后主所製。〔書斷〕李公麟。字伯時。號龍眠居士。工白描人物。遠師陸吳牛

馬。斟酌韓戴山水。出入王李作畫。多不設色。獨用澄心堂紙爲之。畫家六法猶神彩。〔畫品〕南齊謝赫曰。畫有六法。一曰氣韻生動。二曰骨法用筆。三曰應物象形。四曰隨類傳

彩。五日經營位置。六日轉移模寫。骨法以下五端可學。而能氣韻必在生知。

誰歟醇駟誰牛車。

〔史記〕漢與接秦之弊。丈夫從軍旅。老弱轉糧餉。作業劇而財既。自天子不能具鈞駟。而將相或乘牛車。齊民無蓋藏。

收盡駟

驥策蹇驢。

〔按〕元史。文宗天歷元年。遣使分行河間。保定。真定。及河南等路。括民馬。先生豈有感於時事。而借題以抒其憤歎。〔杜甫詩〕蹇驢破帽隨金鞍。

男兒虛用縣門弧。

〔禮〕男子生。設桑弧。蓬矢於門左。女子

設輓於門右。

嗚呼壯哉彼武夫。

〔詩〕赴赴武夫。公侯干城。

### 富春新創關將軍廟成吳子中攜卷索題

吳生病起有怪聞。夢中識得髯將軍。

〔蜀關羽傳〕諸葛亮答羽書曰。孟起黔彭之徒。當與翼德並驅爭先。猶未及髯之絕倫逸羣也。羽美鬚髯。故亮謂之髯。孟起。馬超字翼德。張飛字

香火乞靈

自此揭。

〔左傳〕晉侯將伐齊。使來乞師曰。願乞靈於臧氏。

廟門醜酒櫻欄雲。

〔詩〕醜酒有蕪。〔杜甫枯櫻詩〕徒布如雲葉。〔又〕海樓一枝高入雲。

我曾久讀名將傳。紫金烙

眼頰玉面。漢鼎孤離強分割。

〔孤音誇。孤邪離絕貌。〕

楚鋒剽殺輕攻戰。

〔前漢張良傳〕楚人剽疾。頰上憤母與楚爭鋒。

天荒地老路不通。

〔古樂府〕地老天荒海

枯石爛。永劫同心信誓且且。

魂升魄降。黼秋蓬。

〔關尹子〕鬼云爲魂。鬼白爲魄。於文則然。鬼者。人死所變。云者。風。風者。木。白者。氣。氣者。命。風散。故輕清。輕清者。上天。金墜。故重濁。重濁者。入地。輕清者。魄從魂升。重濁者。魂從魄降。

神

仙負劍乃兵解。

〔神仙傳〕真人去世。多以劍代形。五百年後。劍亦能靈化。〔廣異記〕丁約曰。道中有尸解。兵解。水解。火解。雷康郭璞。皆非受戕害。我以此委脫耳。

巫覡傳芭真鬼雄。

巫覡。解見時。離。〔九歌〕

成禮兮會鼓，傳芭兮代舞。〔注〕芭與葩同，巫所持之香草也。〔又〕魂魄毅兮爲鬼雄。〔注〕毅然爲百鬼之雄也。壯夫本合荊州死。〔通鑑〕興平二十四年，孫權使呂蒙襲取江陵，荊州將吏悉皆歸附，關羽自知孤窮，乃西保麥城，因遁

走，馬忠獲羽及其子平，於章鄉殺之，遂定荊州。

嚴祀何哉富春里。〔牛弘歌〕肇禮嚴祀，式奉尊靈。只今江左四祠無狄公。〔通鑑〕唐嗣聖五年，河南巡撫大使狄仁傑以吳楚多淫祠，奏焚一千七百餘所，獨留夏禹、吳太伯、季札、伍員四祠。

髣乎髣乎，獨不恨見孫江東。〔又〕劉備見諸葛亮於隆中問計，亮曰：曹操擁百萬之衆，挾天子以令諸侯，誠不可與爭鋒。孫權據有江東，已歷三世，國險而民附，賢能爲之用，可與爲援，而不可圖也。荊州北據漢沔，利盡南海，東連吳會，西通巴蜀，此用武之國，而其主不能守，此殆天所以資將軍也。

粵山白鵲陳彥理同賦。粵山，解見黑海青。〔古今注〕鵲一名神女，以赤帝女成仙，化爲白鵲，故名。

粵山白鵲何甦甦。〔音樓〕平聲。今所驟見古所談，滿地蓬蒿出復沒，凡禽豈或同鳩鷓。〔音菴〕鷓屬。如何天然有此潔，直

以日浴無餘黔。〔莊子〕鶴不日浴而白，鳥不日黔而黑。金精煉成向月窟。〔洞冥記〕帝解鴻鳴之刀，賜東方朔，曰：鑄此刀者，首山之金，出九湯清溪，有鵲啣火於清溪之上。〔長楊賦〕西厭月窟。〔注〕

月所生也。縞夜飛過凌霜潭。〔王安石詩〕積李兮縞夜。〔滕王閣序〕潦水盡而寒潭清。靈須駕河恍若一。〔淮南子〕七夕，烏鵲填河成橋，渡織女。〔爾雅〕相傳七日，牽牛與織女會於漢東，烏鵲爲梁

以渡，故毛皆脫去。靜欲繞樹驚能三。〔魏武帝歌〕月明星稀，烏鵲南飛，繞樹三匝，何枝可依。玉臼藍橋質已蛻。〔列仙傳〕裴航遇雲翹夫人，與詩云：一飲瓊漿，百感生，玄霜搗盡見雲英，藍橋本是神仙窟。

何必區區上玉京。後經過巖橋渴。一舍有老嫗。揖之求漿。嫗令雲英出一甌漿水。飲。就欲娶雲英。嫗曰。但得玉杵臼。當與之。後執待杵臼為搗藥。遂得娶之。俱仙去。  
霓裳水殿神猶酣。〔異聞錄〕明皇與申天師道。士洪都客。中秋夜遊月中。過一

大門。在玉光中。見一大宮府。榜上廣寒清虛之府。天師引明皇躍身煙霧中。下視皇城。蟾娥。若萬頃琉璃。田索娥十餘人。皓衣乘白鸞。舞桂樹下。樂音清麗。明皇歸。編律製霓裳羽衣曲。  
休徵不使畢弋得。〔淮南子〕〔注〕乾鵠見人有吉事之

徵。則修修然有凶事之徵。則嗚啼。〔詩〕  
鴛鴦于飛。畢之羅之。〔又〕弋鳧與雁。  
異羽未許樊籠語。性耿終隨處士傳。音和盍趁彌陀龜。〔草皇鸚鵡舍利塔記〕有獻鸚鵡者曰

此鳥聲容可觀。晉中華夏。河東裴氏。以此鳥名裁梵經。意佛身所化。常狎而敬之。教以持佛名號。每虛室戒曙。發和雅音。穆如笙簧。今年七月。悴爾不憚。已日而甚。馴養者知將盡。乃鳴警吉曰。將西歸乎。為爾擊磬。爾其存念。每一擊。一稱彌陀。十擊。而十念成。斂翼委足。不震不仆。揜然而絕。遂命火。以闍維之法焚之。有舍利十餘粒。炯爾耀日。高僧惠觀。用陶甃建塔。旌異也。

鴻雁塞門但鄉北。〔記〕季冬之月。雁北向。〔山海經〕雁門山。雁出其間。在高柳北。  
鷓鴣裸壤空思南。

〔廣志〕言鷓鴣飛。但南不北。張華曰。鷓鴣雖復東西回翔。然命翻之始。必先南義。故一名懷南。鳴自號杜薄州。言其志懷南不向北也。  
晉人禽經此或載。張華著蕭氏瑞志吾將參。〔按〕南齊有符瑞志。又

隋書許善心。情知太古至德世。謂巢可俯。鷺可探。〔孫卿子〕古之王者。其政好生惡殺。鳥鵠之巢。可俯而窺。〔晉書〕王澄為荊州。將之鎮。送者傾朝。澄見樹上鵠巢。便脫衣上樹。探窺而弄之。神氣蕭然。旁若無人。顰音苦角切。鳥卵也。

然旁若無人。顰音苦角切。鳥卵也。  
投詩與君且一笑。幸勿緇淫令渠慙。

題姚文公草書杜少陵詩手軸崔仲德所藏

彭蠡東流白泱泱。〔荆州記〕宮亭湖即彭蠡澤也。亦謂之彭澤湖。〔寰宇記〕彭蠡湖在德化縣東南。週迴四百五十里。湖心有大孤山以別都昌之界。四面洪濤大孤屹然獨聳。〔按〕志縣屬江西九江府。匡廬五老

青開張。〔又〕匡裕兄弟七人皆有道術。結廬於此。仙去。宮廬尙在。故曰廬山。〔按〕志廬山在九江府南二十五里。古名南鄣山。高二千三百六十丈。週二百五十里。其山九層。川亦九派。〔星子縣志〕五老峯在廬山頂東南。日府治北望。森然如旆。髻者

是也。〔李白詩〕廬山東南五老峯。青天秀出金芙蓉。九江秀色可攬結。吾將此地集雲松。我公宴坐展詩史。燈下搦管草數行。目瞭手熟快掣電。筆銛紙擣明

含霜。鸞鳳盤迴恣舞躍。蛟龍蝟強高騰驤。〔王羲之草書勢〕婀娜如削弱柳。聳秀如巖長松。婆娑而同舞。鳳宛轉而似蟠龍。當知所貴務道德。況復不朽

傳文章。中州故家胄子出。累代耆壽真儒光。搢珽端紳尙色正。〔禮〕天子搢珽。〔注〕珽亦笏也。〔釋海〕當其無事也。則舒紳緩佩。鳴玉以步。綽有餘裕。〔公羊傳〕孔

父正色而立於朝。則人莫敢致難於其君者。操觚染牘仍謀長。〔詩話〕韓愈皇甫湜過李賀家。賀欣然操觚染翰。作高軒歌。〔陸機文賦〕或操觚以率爾。〔注〕觚木之方者。古人用之以書。猶今之簡也。〔前漢昌邑王傳〕持牘趨

謁。〔注〕牘木簡也。藉令鍾王可退讓。〔法書苑〕羊欣云。鍾繇行書。亦二王之亞。又徐浩論書云。鍾善真書。右軍行法。小令破體。皆一時之妙。〔魏志〕王粲才高。舉筆成文。鍾繇王朗等。閤筆不敢措手。勢與董賈同

翱翔。〔前漢書〕劉向稱董仲舒有王佐之材。雖伊呂無以加。〔又〕劉向稱賈誼言三代與秦治亂之意。其論甚美。通達國體。雖古之伊管。未能遠過也。大兵昔者潰漢鄂。南士何處潛茅篁。〔元史〕

皇子闕出伐宋。命楊惟中於軍前。行中書省事。克宋棗陽。光化等軍。光隨郡復等州。及襄陽德安府。〔又姚樞傳〕樞從惟中破棗陽。主將將盡坑之。樞力辯。非詔書意。乃斃數人。逃入篔簹竹中脫死。北風被髮。亟死水。明月跨馬

勞追亡。

詳見觀姚文公集  
記趙江漢舊事

程朱學術此萌蘗。姚許論次極審詳。

〔姚樞傳〕太宗詔樞從楊惟中即軍中求儒釋道鑿下  
之人。拔德安得趙復始得程頤朱熹之書。〔許衡傳〕衡

幼有異質。遭亂世。貧無書。嘗從日者家得書疏義。避亂徂徠山。得易王弼說。  
夜思晝誦。身體而力踐之。既而往來河洛間。從姚樞得程朱書。亦大有得。

立館過庭竟兩得。蒐經摭傳疇殫量。

〔姚樞傳〕樞棄官擢

家來耀州。作家廟。別爲室奉孔子及  
宋儒周惇頤等像。刻諸經惠學者。

聖朝混一關海嶽。勳武雜選銘旂常。麟閣鐫詞照百世。

〔前漢蘇武傳〕上思股  
肱之美。迺圖畫其人於麒麟

麟。雞林定價驚殊方。

〔白樂天長慶集序〕元和中。雞林賈人購白樂  
天詩云。本國宰相率一篇易一金。其僞者輒能辨。

紺宇琳宮鼎負力。豐碑巨碣戈垂鉞。英華燦

發永不滅。翰墨遊戲聊徜徉。崔君妙年幸侍坐。安陸遺藁曾取將。半披丹繪久舒卷。

〔詩話〕李益長於詩。每  
一篇出樂工爭求之。至征

人早行等篇。天下皆施之圖繪。

滿幅縈縮苦囊藏。

〔唐太宗王羲之贊〕子雲近出。擅名江表。僅得  
成書無丈夫之氣。行行若縈春蚓。字字如縮秋蛇。

吾觀河汾數往來。

〔休日休文中子碑〕  
文中子王氏諱通字

仲淹。生於陳隋之世。以亂世不仕。退於汾晉。序述六經以行教。先生之門人。薛收。李靖。魏徵。李勣。杜如晦。房玄齡。皆赫赫於盛時。惜乎德  
與命乖。不及觀吾唐受命而沒。〔揮鑿錄〕文中子王道。隋末大儒。歐陽文忠。宋景文。修唐書。房杜傳中略不及其姓名。或云其書阮逸  
所撰。未必有其人。然唐李習之嘗有讀文中子。而劉禹錫作王華卿墓銘序。載其家世行事甚詳。云門多偉人。則與書所言合矣。何疑之  
有。又皮日休有文中子碑。見于唐文粹。〔又按〕宋文鑑載司馬光文中子補傳。采其行事於理可通。而所言切於事情者。著於篇。以補  
隋書之闕。敢愧籍湜或汗僵。〔蘇軾韓文公廟碑辭〕汗流籍湜走且僵。〔注〕張籍皇甫湜皆從韓公遊。而不及遺  
其亦自名於時。汗流者言其愧。汗如流也。走且僵。謂退避其文辭之高。奔走而僵仆也。

修宋短檝未

收拾已矣我公今棟梁。〔韓愈進學解〕大木爲杗，細木爲桷。〔詩話〕安定先生自慶歷中敦學於蘇湖間，歐公詩曰：吳興先生富道德，誅誅弟子皆賢才。王荆公詩曰：先收先生作梁棟，以次收拾桷與椽。

天台山花蕊石筆架歌〔天台縣志〕天台山在縣北三里，自神迹石、延袤、國清、赤城、桐柏，至於華頂，皆名天台。實一邑諸山之總名。〔本草衍義〕黃石中間有淡白點，以此得花之名。〔玉冊〕花乳石生山谷中有五色。

天台高山屹蒼空，山神染石填青紅。良工琢之手運風。〔莊子〕郢人墜垩，其鼻端若蠅翼，使匠石斲之，運斤成風，盡垩而鼻不傷。匠石曰：臣能斲之，而臣質死久矣。閣我

綵筆虛玲瓏。〔齊書〕江淹夢得五色筆，由是文藻日新。後夢有人稱郭璞取之，爾後爲詩絕無美句。時人謂之才盡。勾芒香動土膏發。〔月令〕孟春之月，其帝太暉，其神勾芒。〔注〕勾芒，少皞氏之裔，子曰重佐，木德。

之帝死爲木官之神。〔隋先農歌〕農祥農晰，土膏初起。蓬萊髓流花作骨。蓬萊，解見題。永嘉唐氏卷。一雙粉蝶迷宿魂，五色斑龍蛻幽窟。古硯南披黯淡

灘。〔葉少蘊硯譜〕南劍石有二種，其一出齒水，去黯淡灘四十里，細潤而不甚發墨，點淡灘石宜墨，而膚理不逮。然世未知此石之可珍也。〔按〕志：灘在福建延平府最險。摩挲鵞眼映豬肝。〔蘇軾筆錄〕黃黑相間，鑿內晶鑿。

可愛謂之活眼，四旁浸漬，不甚清明，謂之淚眼，形體略具，而無光彩，謂之死眼，活勝淚，淚勝死，死勝無。〔蘇易簡硯譜〕端溪眼，水中石色青，山半石色紫，山頂石尤潤，傍如豬肝色者佳。低窺墨池渤澥碧。〔王羲之筆陣圖〕

稍也，墨者，釜甲也。水硯者，城池也。心意者，將軍也。本領者，副將也。結構者，謀略也。出入者，號令也。屈折者，殺戮也。仰倚書鎮嵩峯寒，滿案層巒何處所。宛陵老兔論功緒。〔史記〕

始皇令蒙恬與太子扶蘇築長城，恬取中山兔毛造筆。〔按〕志：古宛陵地，今江南寧國府產香狸。錦繡心腸吐有雲，莓苔面貌凝爲雨。翰林學士花生筆。〔開元天寶遺事〕李白

少時夢筆穎上生花後  
天才瞻逸名聞天下

### 京洛新來花樣出

〔盧氏雜記〕盧全下第出都投逆旅有一人作火吟曰學織錦綾工未多亂投機杼錯拋梭莫教宮錦行家見把似文章笑殺他因問之曰舊隸宮錦坊近以薄技投本行云如

今花樣不同  
且東歸也

### 浮花浪蕊一掃間

〔韓愈詩〕浮花浪蕊顛長有纒開還落瘴霧中

### 嘆息揚雄白我玄

〔前漢書〕哀帝時丁傅董賢用事諸附離之者或起家至二千石時揚方草太玄有以自守

泊如也或謂雄以玄尚白而雄解之號曰解嘲〔注〕  
玄黑色也言雄作之不成其色猶白故無祿位也

### 送鄭彥貞仲舒叔姪北游京師

鄭君系本自義門門首植表孝義敦祖孫九世類一日聚族千指通晨昏

〔浦江縣志〕宋鄭綺家於芙蓉山一名香巖山白麟溪之源出焉綺母嗜漢

水值早對溪數似不得泉綺慟哭水爲湧出因名孝感泉自綺至洪武初已十世同居凡二百四十餘年元至大間表其門金華宋濂慕義門鄭氏之風徙家于青蘿山

### 酒食卮匱口共飮

〔詩〕饋爾邊豆飲酒之飮

### 衣裳櫛

架身同溫

〔禮〕男女不同櫛架櫛音移衣架

家宜富饒積粟布里或饑窶資饗殮大宗小宗寢以逸

〔白虎通〕宗其爲始祖後者爲大宗此百世之所宗也宗其

爲高祖後者五世而遷者也高祖遷於上宗則易於下宗其爲曾祖後者爲曾祖宗宗其爲祖後者爲祖宗宗其爲父後者爲父宗皆爲小宗以其轉遷別於大宗也別子者自爲其子孫爲祖繼別也各自爲宗小宗有四大宗有一凡有五宗人之親所以備矣

東

眷西眷疇尋源

〔五代史裴皞傳〕裴氏世爲名族居燕者號東眷居涼者號西眷居河東者號中眷

復除曷下省府令

〔通鑑〕漢高帝五年詔曷及七大夫以上皆令食邑已下皆復其身及戶勿事〔注〕七大



夫公大夫也。復者，除免其身役戶稅也。勿事，不給繇賦也。〔按〕志：鄭文嗣與從弟太和相繼主家事，嚴而有恩。見者嗟慕，謂有三代遺風狀。回復其家，部使者余闕爲書東浙第一家。

延譽靡間，鄉閭言禮俗興，衰顧不

重風聲，勸慕猶茲存。袖中懷文扣所部，行矣望闕期軒駕。燕山何許水陸隔。

燕山解見胡仲申至

越驛踰月舟車，鄒

嶧邳山岱嶽，棘

鄒嶧解見觀秦丞相碑。〔括地志〕大邳山，今名青壇山，在衛州黎陽。〔按〕志即今大名府之濟縣。〔泰安州志〕泰山，即東嶽，詳見泰山高。

蜀江邗瀆河流渾。

〔荊州記〕江出岷山，其源若壘口，可以

濫觴。〔寰宇記〕合濟渠，在揚州江都縣東二里，本吳掘邗溝，通江淮之水路也。山東北達淮安，射陽湖，即山陽湖，今之運河也。在城東南事見左傳。哀公九年，〔城邑考〕燕城，古邗溝城也。漢已後荒圯，鮑明遠作燕城賦以傷之。〔抱朴子〕寸膠不足以理黃河之濁，邗

寒，榆關崇墉峙虎駁。

〔按〕志：關在永平府撫寧縣東，隋開皇中，漢王諒將兵伐高麗，出臨榆關，即此。洪武初，魏國公徐達始移今所因，改名曰山海關，北爲山，南爲海，相距不數里許，四塞險固，邊郡之咽喉，京師之門戶也。〔爾雅〕駁如馬

〔按〕駁，獸名，黑尾一角，鋸牙，音如鼓，能食虎豹，與駁通。

碣石漲海澆蛟龍。

〔書〕夾右碣石入于河，詳見觀秦丞相碑。

北州塵沙遶萬里，天邑氣象雄微垣。

〔書〕天邑商，〔史

記〕上垣太微十星，中垣紫微十五星，上垣天市二十二星。

昇平多年正黼辰，郡國麋至駢肩跟。

〔左傳〕求諸侯而糜至。

五柞長楊劍戟接。

〔前漢丙吉傳〕武帝疾，往來長楊

五柞宮。〔注〕宮並在盤屋。

控弦突騎旌旗翻，鴻雁飛鳴羽未肅。魚龍變化光相燉，世途人事豈可測。儒術政理須攀援。

嗟予昔者忝俊造，翹足到今勞夢魂。乘時一去欲迅奮，抱病日劇徒巨園。阮郎竹林夕並秀。

〔世說〕嵇康所與神交者阮

籍、山濤、向秀、劉伶、王戎、及籍兄子咸、爲竹林之遊。日以酣飲爲事。遺落世務。世共推爲竹林七賢。

章氏花樹春仍繁。

〔唐書〕章述弟道迪。學業亦亞述。與道對爲學士。與迪並禮官。縉紳高之時。趙冬懷兄弟亦各有名。張說常曰。章趙兄弟人

之杞。榮親顯已在此舉。惜不往餞空壘櫓。

觀淮陰襲翠巖所修古棋經

〔按〕先生桑海遺錄序。淮陰襲開。字聖予。少嘗與陸秀夫同居廣陵幕府。志節既峻。儀觀甚偉。文章議論高古。所作文。宋瑞陸秀夫傳。類遷固所爲。陳壽以下不及也。此其人殆亦無

負於秀夫者。

淮陰老人古棋經。廣陵大幕青油廳。

〔南史〕宋朱修之居荊州青油幕。〔韓愈詩〕從軍固云樂。談笑青油幕。燈明夜觀碁。月暗秋開柝。

一江對壘靜晝日。三楚結

陣鏗流星。

三楚。解見嚴陵。應仲章書至。

東南賓客少馳檄。白黑紋楸卽強敵。

〔杜陽雜編〕大中中。日本國王子來朝。善圍棋。上敕顧師言爲對手。王子出如楸玉碁局。冷暖玉碁子云。本國之

東三萬里。有集真島。島上有凝霞臺。臺上有手談池。池中生玉棋子。不由製度。自然黑白分明。冬暖夏冷。故謂冷暖玉。更座如楸玉。類楸木。琢之爲局。光潔可鑑。師言與之敵手。至三十三下。王子瞪目縮臂。以伏不勝。乃鎮神頭解兩征勢也。

坐隱縈迴建

旌旆。手談劈劖藏矛戟。

〔世說〕王中郎以圍碁是坐隱。支公以圍碁爲手談。

世間風雨長百變。身佩安危知幾戰。崑河割破半藩籬。漲

海掃空全局面。

二語言宋之南渡航海。以迄於亡也。妙與棋經圖合。

樂矣軍中有此娛。

〔蜀志〕魏軍次於興平。假費禕節。率衆往禦。光祿大夫來敏至。禕許別求圍碁於時。羽檄交馳。嚴駕已訖。禕與敏留意對戲。色無

厭倦。敏曰：聊試觀君耳。信可人。必能辦賊者。禱至。賊遂退。

攻城掠野類兵書。

〔梁武帝圍基賦〕爾乃建將軍布將士列兩陣驅雙軌徘徊鶴翔差池燕起

宮殿寢園終草莽。冕旒章服到蛟

魚。君不見曬山婦姑三十六。破屋數間昏不燭。夜來教得王積薪。

〔集異記〕翰林基者王積薪。從明皇西幸。宿深溪之家。但有婦姑。止給水火。纔暝。闔戶。聞姑謂婦

曰：良宵無以爲適。與子手談可乎。堂內無燭。各在東西室對談。積薪一一記其下。止三十六。忽聞姑曰：子已北矣。吾止勝九秤耳。遲明。請問於姥。姥顧婦。教以常勢。婦乃指示攻守之法。積薪自是其藝絕倫。

滿眼長安胡馬塵。

### 題晉劉琨雞鳴舞劍圖

〔晉書本傳〕劉琨字越石。漢中山靜王勝之後也。少得儁朗之目。與范陽祖納俱以雄豪著名。〔又祖述傳〕逖與劉琨俱爲司州主簿。情好綢繆。共被同寢。中夜聞荒雞鳴。琨覺曰：此非惡

聲也。因起舞。

我行洛陽大道邊。一雙蒼鵝飛上天。惜哉春水御溝去。化作胡兒飲馬泉。

〔晉書〕懷帝永嘉元年。洛城東北步廣里地陷。有二鵝出。蒼者飛翔冲天。白

者止焉。陳留董養曰：步廣周之狄泉。盟會地也。白者。金色國之行。蒼爲胡象。其可盡吉乎。是後劉淵石勒相繼起。〔史記〕秦築長城以備胡。其下有泉窟。可以飲馬。〔張儼默記〕長駝祈山。概然有飲馬河洛之志。

前山雞鳴夜欲半。古

劍隨身舞凌亂。白光虎躍騰雪霜。神氣龍蟠貫星漢。望中沙漠衣正寒。舉手傾倒髮衝冠。鹿盧躡動卽千

里。〔抱朴子〕凡乘躡道有三法。一曰龍躡。二曰虎躡。三曰鹿盧躡。或服符精思。若欲行千里。則以一時思之。若十二時思之。則可行萬二千里。

蘭子戲成徒七盤。

解見病起讀列子。

人生豈無志。事往

僅有淚。疲兵獨困守。劇虜翻強鷲。孔融才疎不足多。

〔後漢書〕孔融負其高氣志。在靖難而才疎意廣。迄無成功。

袁紹衆盛空黃河。

〔又〕袁紹先遣顏

良攻曹操。別將劉延於白馬。自引兵至黎陽。操擊顏良斬之。紹乃渡河。壁延津南。沮授臨船嘆曰。上盈其志。下務其功。悠悠黃河。吾其濟乎。遂以疾退。紹使劉備文醜挑戰。操又擊斬文醜。再戰而擒二將。紹軍中大震。

代公土地仍同患。

〔本傳〕

初。單于猗也以救東嬴公騰之功。琨表其弟猗盧爲代郡公。與劉希合。衆於中山。王浚以琨侵己之地。數來擊琨。琨不能抗。由是聲名稍損。

段國風塵謾助戈。

〔又〕幽州刺史鮮卑段匹磾。數遣信要。琨欲與同獎王室。琨率衆赴之。甚見崇重。

與琨結婚。約爲兄弟。建武元年。琨與匹磾期討石勒。嚼血載書。檄諸方守。俱築襄國。琨匹磾進屯固安。以俟衆軍。匹磾從弟末波。納勒厚。路獨不進。乃沮其計。琨匹磾以勢弱而退。匹磾奔其兄喪。琨遣子羣送之。末波要擊匹磾。羣爲末波所得。厚禮之。共結盟。密齎羣書。請琨

爲內應。而爲匹磾遷騎所得。時琨別屯故征北府小城。不之知也。因來見匹磾。匹磾雅重琨。初無害琨志。用其中弟叔軍言。遂留琨。被拘經月。尋縊之。時年四十八。

世間壯士但老死。凍鐵沉埋何處使。千秋

萬歲青金虬。恨不鑄得劉并州。

〔又〕愍帝即位。拜大將軍都督并州諸軍事。加散騎常侍假節。

題袁子仁所藏巴船出峽圖

〔李白巴水歌〕巴水急如箭。巴船去若飛。十日三千里。郎行幾歲歸。

巴山一帶高崔嵬。

〔名勝志〕巴州有大巴。小巴。世所稱九十多山也。大巴之險。逾於棧道。下通漢中小巴之南。卽古巴國。

巴江萬里從天來。

〔又〕巴江源出大巴山。至當州東南。分爲三流。而中央橫貫。勢若

字。巴前夫疾挽後夫摧。黃牛白狗遽船開。

〔水經注〕江水又東。逕黃牛山。山下有灘。曰黃牛灘。南岸重嶺疊起。最外高崖間。有黑色如人負刀牽牛狀。人黑牛黃。成就分明。此崑既高。加以江湍迂迴。雖途經信

宿猶望見之。謠曰：朝發黃牛，暮宿黃牛。三朝三黃牛如故。又白狗峽在歸州東二十里，石崖龜中隱起有狗形，形狀具足，故名。按志俱屬湖廣荊州府。曉風東迴水西上，淫瀆堆頭伏如象。〔寰宇記〕

瀆堆周圍二十丈，在蜀江中心，瞿塘峽口。〔益州記〕瀆灘堆，夏水漲沒數十丈，其狀如馬，舟人不敢進，又曰：猶預言舟子取途不決水脉，故猶預也。樂府作淫預，其歌曰：淫預駛如馬，瞿塘不可下，淫預大如牛，瞿塘不可流。盤旋鳥道怕張帆。

〔李白詩〕西當太白有鳥道。〔注〕道徑微窄，止可容鳥過而已。汨沒龍淵驚棹槳，世人性命重濤波。吳鹽蜀麻得利多。〔蜀志〕桑漆麻紵之饒。〔吳都賦〕煮海爲鹽。按蜀人

以麻布易吳鹽。怪石急流須勇退，貪夫險魄謾悲歌。神禹醜江江更惡，五丁鑿路空巖嶧。〔蜀記〕秦惠王欲伐蜀，刻五石牛，置金其後，蜀人以爲牛，便

牛成道，秦遂伐蜀。舟船可坐尙髮危，棧閣能行終淚落。〔前漢張良傳〕說漢王燒絕棧道。〔注〕險絕之處，旁鑿山巖，施版梁爲閣。嗟茲舉目無不然，直

愁平地卽山川，至喜亭邊聊酌酒。〔名勝志〕至喜堂在故夷陵縣廳事之東，朱慶基爲歐陽修築。按夷陵漢縣，以有夷山在西北爲名，又云夷者平也。言江路至此始平也。今屬湖廣荊州府。長年三

老好攤錢。〔杜甫夔州歌〕長年三老長歌裏，白晝攤錢高浪中。〔陸游入蜀記〕長讀如長幼之長，長年三老，稍工是也。攤錢博也。

華山仙子紫絲盛露囊歌。〔齊諧記〕弘農鄧綰嘗八月旦入華山採藥，見一童子執五絲囊，承柏葉玉露，皆如珠滿囊。問曰：用此何爲？答曰：赤松先生取以明目，言終便失所在。今世人八月旦作眼明袋，此遺象也。

華山西望屹蒼空，甘露曉降柏葉中。紅繡絲囊挹在手，赤松鶴馭翮長風。太平天子千秋節，花萼樓前百

觴撤。〔唐史〕玄宗於花萼樓命諸王分朋角戲。

鸞珀含光映凍酒，紫霜結液涵甜雪。問囊經緯何所成，桑洲蠶繭五色明。

〔舊唐書〕帝於景華宮徵求螢火數斛，夜出遊山，如放火光，遍巖谷。見飲酒。

問囊嘘吸何所似，栢觀銅掌抗高莖。

銅掌解見嶺南宜濛子。

誰歟歟，螢弄輝燿。

〔隋書〕煬帝大業末，天下已盜起，帝於景華宮徵求螢火數斛，夜出遊山，如放火光，遍巖谷。

或者貢雲合漠漠。

〔齊東野語〕宣和中，長嶽初成，令近山多造油絹囊，以水濕之，曉張於危巒絕巘之間。雲盡入，遂括囊以獻，名曰貢雲。每車駕所臨，則盡縱之，須臾，滂然充塞，如在千巖萬壑間。

神仙可學僅沾

濡，壽祿無期還笑樂。古來服食乃若茲，一掃穢濁餘肝脾。啖蛤踞龜何處覓。

啖蛤踞龜解見泊道隆觀。

伐毛洗髓到今疑。

〔洞冥記〕東方朔遇黃眉翁，語朔曰：吾卻食吞氣，已九千餘年，目中瞳子有青光，能見幽隱之物。三千年一返骨洗髓，二千年一剝皮伐毛，吾生已三洗髓，五伐毛矣。

秋月泓泓露泚泚，華山玉漿起人死。彼

哉醉胡彼渴羌，朱顏綠髮安得常。

〔拾遺記〕晉有羌人姚叔，字世芬，充廐圉，每醉中好言王者興亡事，常云：九河之水不足，以漬麴蘖，八載之木，不足以爲蒸薪，七澤之藥，不足以充庖俎。但言渴於酒，羣童呼爲渴羌。

後武帝授以朝歌守，藉顯且爲馬圉，時賜美酒，以樂餘年。帝曰：朝歌紂之舊都，地有酒池，故使老羌不復呼渴，因辭遷酒泉太守。地有清池，其味若酒，藉乘醉拜受焉。

### 寒夜憶吳伯雍摘阮寄歌

〔黃庭堅聽摘阮詩〕手揮阮咸送飛鴻，促弦聒醉驚客起。寒蟲催織月籠秋，獨雁叫羣天拍水。楚國羈臣放十年，漢宮佳人嫁千里。

錢塘吳肅善四弦，始平太守舊曲傳。

始平太守謂阮咸見下。

晉人風流百世後，鏗我手指抱膝前。

〔舊唐書〕晉樂志：舊摠瑟皆以木撥彈之。太宗貞

觀始有手彈之法。今所謂撈琵琶者是也。

鄒嶧孤桐斲美玉，神螭拔首蟾嵌腹。

〔書〕嶧陽孤桐。〔注〕嶧山之陽，特生桐，中琴瑟。〔西京雜記〕趙后有寶琴，曰鳳凰，皆以金玉隱起，爲龍鳳螭鸞古賢列女之象。

壓桑繭，韌冰色絲。孔翠翎，敷錦香褥。一摘再摘，秋風微。三摘四摘，秋月嶺頭輝。五摘徘徊，南國泣楚女。歎

湘妃。

〔博物志〕堯二女舜之妃，曰湘夫。人舜崩，二妃啼，以涕揮竹，竹盡斑。

六摘揄揚古調，韶咸象節聽來稀。

〔西都賦〕雍容揄揚。〔書〕簫韶九成。〔注〕韶，舜樂名。〔莊子〕黃帝有成池。〔左傳〕

見舞像節南樂者。〔注〕皆文王之樂。

七摘八摘，復九摘。乾旋坤回，羣龍百怪盡屏跡。高如海門潮水飛，劈歷遠似天河瀉。出大

荒零數滴，驟如昆陽戰鬪。犀象虎豹股栗亂鞍戟。

〔後漢帝紀〕初，王莽徵天下能爲兵法者三十六家，數百人，並以爲軍吏，選練武衛，招募猛士，旌旗輜重，千里不絕。時有長人，巨無霸，長一

丈，大十圍，以爲壘尉。又驅諸猛獸，虎豹犀象之屬，以助威武。光武將數千兵，徵之於陽關，諸將見王尋、王邑兵盛，反走，馳入昆陽。皆惶怖，光武爲圖畫成敗，連勝之。莽兵大潰，會大雷風，屋瓦皆飛，雨下如注，潞川盛溢，虎豹皆股戰，士卒溺死萬數。

緩似句曲

燕飲雲璈洞簧宛轉降瑤席。

〔真仙通鑑〕茅君南治句曲之山，哀帝元壽二年，南嶽真人赤君、西城王君、方諸、青童君，並從王母降於茅君之室，爲設天厨，醉宴，歌玄靈之曲。

恍兮清角惚流徵。

〔陸機七徵〕合濟商而絕節，揮流徵而赴曲。奏南荆之高歎，詠易水之清角。

騶虞伐檀鏘以起。

〔琴操〕古琴有詩歌五曲。曰鹿鳴、伐檀、騶虞、鵲巢、白駒。

悽兮號鐘膠韻泉。

〔陳暘樂書琴論〕黃帝之清

角，齊桓之號鐘，楚莊之繞梁，相如之綠綺，以至玉牀、響泉、韻聲、清英、怡神、龍蜃之類，名號之別也。魯香留〔韻補〕悲恨也。

折楊皇琴空嗑然。

〔莊子〕大聲不入於里耳。折楊皇琴，則嗑然而笑。〔注〕大聲，古樂也。折楊皇琴，里巷之曲名。琴

音花。嗑。信哉阮咸出入琴瑟造此法。〔樂府雜錄〕阮咸所造月琴謂之阮咸。豈用蓬萊海上巖棹萬里求成連。〔樂府解題〕水僊操伯牙學琴於成連先生。

三年不成。成連云吾師方子春在東海中能移人情。乃與伯牙俱往。至蓬萊山留宿。謂伯牙曰子居習之。吾將迎師。刺船而去。旬時不返。伯牙近望無人。但聞海水洞滑崩折之聲。山林宵窶。羣鳥悲號。捨然而歎曰先生將移我情。乃援琴而歌。曲終成連回刺船迎之。而還。伯牙遂為天下妙矣。

妙得伶倫律呂玄中玄。粵從東都官大子。〔後漢帝紀〕永平三年改太樂為大予樂。〔注〕尙書璇璣鈴曰有帝漢田德洽作樂名予。故據璇璣鈴改之。漢官儀曰大予樂令一

人。〔又禮儀志〕大予具樂器。夏赤冬黑。列前殿。〔詩疏〕祝釐形狀蓋依漢之大予樂。洛陽燒焚到鐘簾。〔後漢書〕董卓壞五銖錢。更鑄小錢。悉取洛陽及長安銅人鐘虡飛廉銅馬之屬以充鑄焉。杜夔柴玉各有

主。〔晉書律歷志〕魏武時河南杜夔精識音韻。為雅樂郎中。令鑄銅工柴玉鑄鐘。其聲均清濁多不如法。數毀改作。玉謂夔清濁任意更相訴白於魏武王。王取玉所鑄鐘雜錯更試。然後知夔為精於是罪玉。宋識擊節餘歌舞。

〔又樂志〕魏管之世。有宋識善擊節唱和。西朝荀勗親校來。杜夔舊律多不諧。〔又〕泰始九年荀勗以杜夔所制律呂乖錯。乃制古尺作新律呂以調聲韻。阮咸卻趨太樂論

新律樂節高厲民風衰。〔又律歷志〕荀勗造新鐘律。與古器諧韻。時人稱其精密。推散騎侍郎陳留阮咸譏其聲高。聲高則悲。非輿國之音。亡國之音。亡國之音哀以思。其人困。今聲不合雅。必古今尺有長短所致也。會咸病卒。後始

平掘地得古銅尺。不知所出何代。果長。勗尺四分。時人服咸之妙。而莫能厝意焉。當時謂咸神解。勗暗解。時阮咸妙達八音。論者謂之神解。咸常心譏勗。勗以為異己。乃出咸為始平相。後有田父耕於

野。得周時玉尺。勗以校己所治鐘鼓金石絲竹。皆短校一米。於此伏咸之妙。復徵咸。會勗薨。未竟其業。古來成均雅樂竟沉沉。〔禮〕大司



樂掌成均之法。以治建國之學政。而合國之子弟焉。〔注〕均。調也。樂師主調。其音大司樂受此成事已調之樂。〔通鑑〕元光五年。河間王來朝。獻雅樂。

聞人莫能辨。元行沖曰。此阮咸所作器也。命匠人以木爲之。其家遂謂之阮咸。

嗚呼。今樂與古樂。辟雍老儒。悲絕學。

〔莊子〕文王有辟雍之樂。

桑濮巴渝。日已繁。

〔禮〕桑間濮

上之音。亡國之音也。〔晉書樂志〕漢高祖將定三秦。閩中范因率蠻人以從。帝爲前鋒。及定秦中。封因爲閩中侯。復置人七姓。其俗喜舞。高祖樂其猛銳。數觀其舞。使樂人習之。閩中有渝水。因其所居。名曰巴渝舞。

翁純儼。釋俱縣。邈南

風久不生。

南風解見遺兒。諤就學。

鳳鳥久不鳴。斂君四絃我耳清。天下耳根無正聲。

〔晉康琴賦〕理正聲奏妙曲。〔白居易詩〕天下無正聲。悅耳卽爲娛。天下無正

色。悅目卽爲姝。

### 客夜聞琵琶彈白翎鵲

〔釋名〕琵琶。本胡中馬上所鼓也。推手前曰琵琶。引卻曰琶。〔王禕白翎雀圖〕白翎雀。雪作翎。羣呼旅食。啾啾鳴。何人翻作絃上聲。傳與江南士女聽。南人聽聲未識形。畫師更與圖丹青。圖丹青一

何似。知爾之生何處。是秋高口子草如雲。風勁腦兒沙似水。〔按〕雀一作鵲。

白翎鵲。東海來。十里五里何摧頽。一飛飛上青霄際。再飛飛墮黃沙堆。少年臂名鷹。

〔南史〕張充方。鷹左臂鷹右牽狗。

齊出

跨駿馬。放鷹一馳躍。與鵲相上下。身佩木弓。

〔易〕昔者聖人弦木爲弧。剡木爲矢。

射必命中。中疊雙。

〔西都賦〕機不虛掎。弦不再控。矢不單殺。中必疊雙。〔按〕

雙叶所 蹀血芟毛天欲雪。解見黑海青 摩雲壓草地多風。衝突三邊有意氣。〔班固曰〕武帝廣開三邊。〔李善曰〕三垂西方、南方、東方。 指揮八極

無英雄。八極。解見觀景拄杖歌。 白翎鵲西海去。千里萬里何軒翥。一飛飛上賀蘭山。〔寰宇記〕賀蘭山在夏州朔方縣東北三十里。〔一統志〕在今寧夏衛城西六十里。

再飛飛過鐵門關。〔按〕志關在撒馬兒國懸崖絕壁。高數十仞。夷人守此名鐵門關。 少年領強兵。乘勝即轉戰。戟頭吹火光。旗幟舞秋練。手持生

鐵刀。空城烏雀盡死塵。〔樂府古題要解〕空城雀者。鮑昭雀乳四。角貓。解見大食餅。 麋鹿瘡痍無處避。角貓躑躅向人號。

收拾廣輪奠郡邑。〔周禮〕大司徒以天下土地之圖。周知九州之域。廣輪之數。〔注〕東西曰廣。南北曰輪。 肅清星嶽靜波濤。白翎鵲東海西海都驅霽。太常

召見日月山。〔元史禮樂志〕太宗徵金太常遺樂於燕京。及憲宗始用登歌樂。祀天於日月山。 治定禮行。功成樂作。大雅清商久寂寥。鷓鴣邏迤多弦索。

〔樂府雜錄〕賀懷智以石爲槽。鷓鴣筋作弦。用鐵撥彈之。〔楊妃外傳〕中官白秀貞自蜀回。得琵琶以獻。其槽以邏迤檀爲之。溫潤如玉。有金縷紅紋。蹙成雙鳳。以龍香板爲撥。弦乃拘彌國所貢。綠冰蠶絲也。 上林花開早浮豔。上林。解見

黑海青 榆塞葉落終迴薄。〔史記〕秦制匈奴。樹榆爲塞。〔按〕志今榆林衛隸陝西都司。 一聲高。一聲低。一聲懾懦百虎豹。一聲束縛千鯨鯢。白頭

漢士聞先拍。青眼胡兒聽卻啼。君不見康崑崙。羅黑黑。開元絕藝傾一國。若還睹我白翎辭。五一作十四

弦彈不得。

〔樂府雜錄〕康崑崙號琵琶第一手。謂街西必無已敵也。登樓彈一曲。新翻調綠腰曲。西市樓上出一女郎。亦彈此曲。兼移在楓香調中。妙絕入神。崑崙驚駭。請出更衣。乃莊嚴寺僧段善本也。師令崑崙更彈一曲。曰。本領何雜。兼帶邪聲。乃令十年不近樂器。忘其本領。然後可教。朝野僉戴。太宗時。西國進一胡人。善彈琵琶。上使羅黑黑隔帷聽之。一遍而得。謂曰。此曲吾宮人能之。遂於帷下。令黑黑彈之。不遺一字。胡人謂真宮女也。驚歎辭去。〔唐漢中王瑀傳〕聞康崑崙奏琵琶。曰。琵琶聲多。琵琶聲少。是未可彈。五十

四絲大絃也。樂家以自下。逆鼓曰琵琶。自上順鼓曰琵琶。

### 黑海青歌

〔東都事略附錄〕女真有俊禽。曰海東青。次曰玉爪駿。俊異絕倫。一飛千里。延禧喜此二禽。善捕天鵝。命女真國人搜取以獻。國人厭苦。遂叛。〔草木子〕海東青出於女真。在遼國已極重。因是起變。而契丹以亡。其物善擒天鵝。飛放時。旋風羊角而上。直入雲際。能得頭鵝者。元朝官裏賞五十鈔。一統志。北山夷產。海青鳥小而捷。能擒天鵝。而羣燕撲之。則墜。亦謂之海東青。爪白者尤異。五國城東出。

### 越山山有黑海青。

〔按〕志在古肅慎地。

長拳快眼健羽翎。三年籠養未得飽。

〔魏志〕呂布因陳登求徐州牧不得。布怒。登喻之曰。登見曹公。言待將軍。譬如養虎。當飽其肉。否

則噬人。公曰。不如卿言。譬如養鷹。飢則爲用。飽則揚去。布乃解。

萬里驍俊猶飛星。

〔蜀都賦〕鷹則流星耀景。奔電飛光。青皎素羽。飄雪繁霜。

黃蘆老葦日摧折。白鷺文鷓看碟裂。

〔埤雅〕鷺色雪白。頂上有絲莖。猗然長尺餘。〔前漢司馬相如傳〕雙鶴下。〔爾雅翼〕鷓蓋鶴類。鷓之鷺霜。猶鷓之鷺露。

腥沾石磧吹遠風。髓擊寒岡散輕雪。

〔孔氏志怪〕楚文王少時。雅好田獵。天下快

狗名鷹。畢聚有人獻一鷹。曰。非王鷹之儔。俄而雲際有一物。凝翔飄飄。鮮白。鷹見之。便竦翮而升。轟若飛電。須臾。羽墮如雪。血灑如雨。有大鳥墮地而死。度其翅。廣數十里。喙邊有黃粟。莫能知時。有博物君子曰。此鷓雉也。始飛焉。故爲鷹所制。文王乃厚賞獻者。

伊人

脫手本凡禽歲晚連條到上林。

〔後漢百官志〕上林苑令一人六百石主苑中禽獸。〔漢舊儀〕上林苑方三百里按其故基跨今盩厔鄠藍田咸寧長安五縣之境。〔按〕志今屬陝西西安府。

鉗奴素

賤多侯骨。

〔前漢季布傳〕布爲項籍將數窘漢王及籍滅高祖購以千金布亡匿用濮陽周氏計髡鉗布之魯朱家所賣之。〔注〕謂髡鉗爲奴而賣之也。〔又衛青傳〕青爲平陽侯家人有鉗徒相之曰貴人也官至封侯。

騎士虛蒙

卽俠心。晉宮邸廢身欲死。

〔揮麈前錄〕太宗淳化三年西夏李繼捧遣使獻鶴號海東青上賜詔曰朕久聞暇遊盡放鷹犬卿地控邊塞時出捕獵今還以賜卿可領之也。〔按〕太宗始封晉王。

燕國雲銷

草如砥嗟非鸞鳳高杳冥望盡狐狸衆披靡當時奉使探遠巢兩徼馳兵聞勇麀。

〔金史〕金國本號女真臣屬鞏丹百有餘年至楊割太

師始稱雄楊割事鞏丹初未有譽海之東產名鷹曰海東青小而俊健能擗鴝鷲遊人酷愛歲求之女真女真苦之又沿邊諸帥邀求賂遺不已遂益怨疾。〔前漢霍去病傳〕合短兵鬪臯蘭下。〔注〕鬪謂苦擊而多殺也。鬪意曹反。

南士誰知此

鷲猛北州驟見爭驚號。

〔晉書〕崔洪清厲骨鯁爲尙書左丞相時人爲之語曰叢生荆棘來自博陵在南爲鷲在北爲鷲。

天鵝薄天垂爾翼海青雖黑打可得太平

八極無不通。

〔淮南子〕天地之間九州八極。〔注〕方隅極處。

函谷何問關西東。

〔前漢地理志〕弘農故秦函谷關。〔崔皓注〕東自嶓山西至潼津通名函谷號曰天險所謂秦得百二。〔按〕志在河南府靈寶縣。

黃布幃歌

幃直山切。〔說文〕禪帳也。

吳中女兒工治紗織成黃布輕綺羅裁爲黃幃四角起覆我病體清涼多。

〔楚辭〕翡翠珠被爛齊光。弱阿拂塵羅幃帳。〔注〕言房內則以弱席薄牀。

四壁及與曲隅。復施羅幃。輕且涼也。

平生受用白木枕。人參草席團花錦。長吟或似閑攻戰。大隱全勝好官品。

〔王康堉反招隱詩〕小隱隱陵數大隱隱

朝市。

上天下地我中央。崑崙海水瀉四傍。南通炎日色熾。北委寒壑凝冰霜。彼哉寒凍此炎燬。穿透皮膚

蒸骨髓。招徠獨鶴風有聲。掃退羣蚊月如水。流金燦石況可逃。磨牙吮血尙啾啾。心煩欲待竹奴熨。

〔黃庭堅

集〕以竹夫人剋臂休膝。名曰竹奴。又曰青奴。

背痒詎得麻姑抓。

〔神仙傳〕王遠。字方平。降蔡經家。因遣人召麻姑。姑至。年可十八九。衣服光彩耀目。坐定。各進行厨。皆金盤玉杯。餽饈多是花香。蟬麟脯而食之。姑手爪似鳥。經見之。心中念曰。

背大痒時。得此爪以爬背。當作佳也。遠已知經。心中所言。即使人鞭其背曰。麻姑神人也。汝何忽謂其爪可爬背耶。

我曾無術蔭天下。天如穹廬蓋四野。

〔史記〕匈奴父子。乃同穹廬而臥。〔漢書音義〕穹廬。旃帳。

〔樂府敕勒歌〕天似穹廬。籠蓋四野。

困來一覺少行人。夢過十洲猶走馬。

〔東方朔十洲記〕祖洲。瀛洲。生洲在東海。炎洲。長洲在南海。玄洲。元洲在北海。流洲。鳳麟洲。聚窟洲在北海。

君不見

黃布幃。昨日夏去今日秋。珍重少陵詩語在。微驅此外更何求。

杜甫江村篇。

